

Hebreos

Goãmũ magũ Goãmũ yare wereru marire

1 Iribojegue Goãmũ masare werenũgarũ. Īgu bajasuburi mari ñecu sũmarãre iribojegue majarãre ĩgu gamerire weremũripũ. Īgu yare weremũhtanirã mera erãre weremũripũ ĩgu. Gajirãre ĩgu dehyoa weremũripũ. Gajirãre ĩgu bocatĩro weremũripũ. Gajirãre quẽrogue weremũripũ. Eropa weremũripũ ĩgu mari acawererãre. ²Dohpaguere pehburinũ coregã árinũre ĩgu magũre ĩgu yare ĩgu weredore obeocũ ĩgũpũ marire wereami. Jesucristo ĩgu Pagũ iidorero mera i yebare ñmaro sãre iidigu árimi. Īgu Pagũpũ pehurerinũ áricũ áripehurerire opabure apirũ ĩgũre. ³Eropigu ĩgu magũpũ ĩgu Pagũ õarire opagu árigũ, ĩgu turari mera marire ii ĩhmudi árimi. Eropigu yũjuero mera ĩgu Pagũ mera árigũ, ĩgu Pagũ áricũre marire ĩhmudi árimi. Eropigu ĩgu turari mera ĩgu dorecũ i yeba, ñmaro sã eropa árinũguia. Eropiro dederebeaa ĩgu doreri mera. Eropigu mari ñero iirare ĩgu coera pũhrũ ĩgu Pagũ turatarigu diayerũ doapũ ĩgu opũ ĩgu áririre ĩhmubu.

Goãmũ magũ anyua tauro áhrimi

⁴Īgu Goãmũ magũ waĩcũmi. Eropa waĩcũgu gajirã tauro opũ áhrimi. Eropigu ĩgu anyua weca tauro opũ áhrimi. ⁵Īgu anyuare Goãmũ ne õpa arĩ weribirimũripũ ĩgu magũre werediro dopa ta:

Yũ magũ áhraa mũhũ. Dohpagãre mũre dehyoacũ iabũ, arĩpũ
Goãmũ ĩgu magũre.

Anyuarũre ne eropa arĩ weribirimũripũ. Eropigu erãre i sãre ne weribirimũripũ:

Īgu pagũ áhraa yũhũ. Eropigu ĩgu yũ magũ árigũcumĩ, arĩpũ Goãmũ
ĩgu magũre.

Anyuarũre ne eropa arĩ weribirimũripũ. Eropigu ĩgu magũ anyua tauro áripũ. ⁶Eropigu gajisubũ ĩgu magũre masa dehyoagũre i yeba apõpa aigũ õpa arĩpũ Goãmũ ĩgũre:

Áripehurerã yaharã anyua yũ magũre mereja, ĩgũre umupeorãcoma
erã, arĩpũ ĩgu.

⁷Eropigu ĩgu anyuarũre werebu õpa arĩpũ ĩgu:

Yaharã anyuare miruñe iro dopa d̄p̄r̄c̄ur̄ãre iiaa yũhũ. Erã yũ pohro majarã ãhrima. Eropigũ erãre peame iro dopa árícũ iiaa yũhũ, arĩ werepũ Goãmũ mari Pagũ.

⁸Erãre ïgũ eropa arĩqueregũ ta ïgũ magũpũre ðpa arĩpũ:

Mũhũ Goãmũ árĩpehrerã tauro opũ eropa árĩniguicãgũca. Diaye ta doregũca mũhũ mũ yarãre. ⁹Diaye árĩrire, ðaro iirire turaro gahmea mũhũ. Eropigũ ñero iirire gamebeaa mũhũ. Mũhũ eropa árĩgũ árícũ ïagũ, yũhũ mũ Pagũ árĩpehrerã gajirã tauro mũre mucubiricũ iiabũ, arĩpũ Goãmũ.

¹⁰I sãre arĩpũ ïgũ ïgũ magũre “Opũ,” arĩ piyugũ:

Opũ, negohraguere i yebare, ãmaro sãre ïhacũnugubũ mũhũ. ¹¹Iri árĩpehreri pehrea waroca. Mũpũ eropa árĩniguigũca. I yeba árĩpehreri suhriri iriñe boaro dopa ta pehrea waroca. ¹²Iri árĩpehreri i yebare ãmaro sãre gohrotocũ ïgũca mũhũ. Mũrañe suhrirore mũ cohã gajiñe mera gohrotoro dopa ta árĩpehrerire gohrotocũ ïgũca mũhũ. Mũpũ mũ árĩdiro dopa árĩniguicãgũca. Eropigũ ne gohrotosome. Eropa árĩniguigũca mũhũ, arĩpũ Goãmũ ïgũ magũre.

¹³Gajisubũ ðpa ïgũ magũre arĩgũ iri sãre anyuapũre ne werebirimũripũ Goãmũ:

Yũ diayerũ doaque mũhũ. Eropigũ mũre ïhaturirãre tarinũgabasadoregũra. Eropigũ erã weca opũ árĩque mũhũ, arĩpũ Goãmũ ïgũ magũre.

¹⁴Árĩpehrerã anyuapũ Goãmũ pohro majarã dihta ãhrima. Eropiro Cristo ïgũ taumorãre itamudoregũ Goãmũ obeomũrimi erãre.

Goãmũ yare ðari buherire marire eropa pepibiricãro gahmea

2 ¹Eropigũ Goãmũ magũ gohra marire weregũ ïgũ árícũ masirã ïgũ wererare mari peerare ðaro guñaro gahmea marire irire cãdijiri arĩrã. ²⁻³Anyua masare erã wererare masapũ erã tarinũgacũ ïagũ Goãmũ masare dipuwaja moapũ. Eropigũ erã anyua werera iri diaye árícũ ïhmugũ ipũ. Eropiro anyua erã werera iri diaye árícũ marire irire peero gahmea. Erã tauro Cristopũre peero gahmea marire. ïgũ mari Opũ ïgũ marire tauborore weremũhtarũ. Eropirã ïgũre peenirãpũ ïgũ wererare marire wereturiañorã marire ðaro masicũ iirã. Eropigũ iri buherire “Jesucristo marire ïgũ taugũcumĩ,” arĩ buherire mari eropa pepicãcũ Goãmũ marire dipuwaja moagũcumĩ. ïgũ dipuwaja moaborore duhrimasibeeaa mari. ⁴Irire peemũhtanirã erã buhe weca peero watope Goãmũpũ iri buherire diaye ta árícũ ïhmudi árĩmi. Eropigũ erã irire buherã ïgũ turari mera baja deyoro moari erã ii ïhmucũ iri buherire diaye ta árícũ ïhmudi árĩmi masare. Eropigũ ïgũ Espĩritu Santo mera iri buheri diaye ta árícũ ïhmudi árĩmi. Espĩritu Santo Jesu yarãre yujurãyerire Goãmũ yare erã mohmemasiburire apidi árĩmi erã game itamuboro dopa. ïgũ gamediro dopa ta apidi árĩmi erã mohmemasiburire erãre.

Jesucristo mari iro dopa ta дүрүсүгү masa dehyoapu, arı gojañumi

⁵I ıñu pehrerıñu árıcü Goãmü pohro árırã tauro oparã árısone anyuapu. Erãre oparã acusome Goãmü. ⁶Anyuare oparã acubiriquerecü Goãmü yare weremuhtadıgı õpa arı gojañumi iribojegüere Goãmü ıgı oparã acumorãre:

Gua masa bu gohra gua árırã árıquerecü ta gıare guñaa müñ. Gua masare õaro árıcü iiaa müñ. ⁷Bajamenurıgã anyua doca masare apıyoro müñ. Eropã apıqueregı ta gıare turarı ogı oparã acuyoro müñ. ⁸Müñ eropã acucü i yeba maja weca árıpehreri weca ähraa gıa masa, arı gojañumi iribojegü majagı mari Pagure.

Goãmü masare apıgı i yebagüere árıpehrerã waimurã säre masa dorero doca árımorãre apıñumi. Masare ıgı eropã oparã acuquerecü ta erã waimurãre árıpehrerãre doremásıbeama dohpa. ⁹Jesupı árıpehrerã weca opı ährımı. Bajamenurıgã anyua doca mari Pagı ıgı säre apıpı. Mari yañe árıborañere sıribasabure ıgıre eropã apıdı árımı. Mari Pagı marıre mahıgı Jesure mari ya árıburıre ıgı sıricü gamepı. Eropıgı ıgı eropã sıricü ıagı ıgıre turarıre ogı, opı acupı ıgıre pare árıpehrerã ıgıre umupeoborore.

¹⁰Goãmü árıpehrerıre ıñacünuguñumi. Eropıro árıpehreri ıgı ya dıhta ähraa. Eropıgı Jesure sıridoregı masa erã ñerıre cãdıjıcü ııpı ıgıre. ıgı masa bajarã ıgı porã árımorãre ımarogue õarogue aıgãbu eropã ııpı. ıgı eropııcü tamera õapırıca. Eropıgı Jesupı marıre taugı mari opı ta ährımı. ¹¹Árıpehrerã masa erã ñerıre cóadı árımı Jesucristopı. Eropıgı ıgı ñerıre cóãnırã mera Pagıcımı Goãmıre. Eropıgı mari Pagı yujugı ta ährımı. Mari Pagı ıgı árıcü Jesu marıre ıgı ñerıre cóãnırãre “Yı acawererã ährıma,” arı pıyugı ne gıhyasırıbeami. ¹²Õpa arıgı ııpı ıgı Pagure:

Mı árıricırıre weregıra yı acawererãgüere. Árıpehrerã yaharã gamenererã pohro müre umupeogı “Turagı ährımı,” arı weregıra yıñu erãre, arıpı ıgı ıgı Pagure, arı gojara ähraa.

¹³Eropıgı õpa arıpı daja:

Yı Pagure guñaturagıca yıñu, arıpı, arı gojara ähraa.

I säre arıpı ıgı Jesucristo:

Ohõ ähraa yıñu. Goãmü porã ıgı yıre apınırã yı acawererã mera ohõ ähraa, arıpı ıgı. ıgı yarãre “Yı acawererã,” arı pıyugı eropã arıpı.

¹⁴“Yı acawererã,” ıgı arı pıyurã dırcırã mari árıcü ıagı, Jesupı mari ya dırpı mari iro dopa arıgı arıpı. Eropã arıgı arıgı ıgı crusague sırıgı arıpı watıre dederecü ııbu. ıgı watıpı sıridoregı ährımı marıre. ¹⁵Eropã ıı ıgıre dederecü ııdı árımı marıre tauboro dopa. Marıpı ıñuri nıscı mari sıriborore güırıbı. Eropã güırã güıro doca árırã, ñero sıporãcırã árırıbı mari. Eropã árırã mari árıcü ıagı ıgı marıre taumi. ¹⁶Eropã taugı anyuapıre itamugı arıbirıpı ıgı. Abrahã pãramerãre marıpıre itamugı arıpı. ¹⁷Eropıgı ıgı mari acaweregı iro dopa arıpı. Yıjuropa ta mari iro dopa ta dırcıgı arıpı. Eropã arıgı mari masa ya árıburıre sıribasagı mari ñeri ıırare Goãmıre cóãdoregı arıpı. Eropıgı

pahia oparã erã Goãmũ ya áriburire serēbasaro dopa ta òaro itamuboro dopa mari iro dopa dũpucũgu arĩgu iipũ. Erã tauro marire ĩgu mojomoro ĩhami. Eropĩgu marire òaro itamuniguicãmi. ¹⁸ ĩgu ñero taripũ. Eropĩgu watĩ ĩgũre ñero iidoreripũ. Iibiripũ ĩgu. Eropã ñerire tarinũgadĩgu árigũ, ĩgu mari sãre ñerire tarinũgacũ iimasimi. Watĩ ĩgu ñerire iidorecũ ĩagu marire ñerire iibiricũ iimasimi.

Jesu Moise tauro árigũ áhrimi

3 ¹ Jesu ĩgu eropa árigũ áricũ ĩarã ĩgũre burigã guñaque mũa. Yũ acawererã, Jesu yarã, Goãmũ ĩgu yarã árimorãre mũare beyedĩgu árimi ĩgu. ĩgu Jesupũ Goãmũ ĩgu apidĩgu árigũ mari pahia opũ áhrimi. I yeba majarã pahia oparã tauro ĩgũpũ mari ya áriburire Goãmũre serēbasagu áhrimi marire. Eropirã ĩgũre òaro guñaque mũa umupeodĩgũre. ² Goãmũ ĩgũre marire ĩgu tauborore ĩgu apicũ ĩgũpũ ĩgu apidiro dopa ta iipũ. Ne tarinũgabiripũ. Moise sã iribojegue majagu Goãmũ yarã Israe masare itamugũ ne tarinũgabiripũ. Eropã ta iipũ Jesu sã. ³ Eropiro Moiserẽ erã umupeodiro tauro Jesupũre umupeoro gahmea marire. Òpã áhrra iri. Wihire mari “Òari wihĩ áhrra,” arĩro tauro wihire iidĩgũpũre “Òapũricãmi,” arĩro gahmea marire. Eropĩgu Jesupũ wihĩ iidĩgu iro dopa áhrimi. ĩgu eropa árigũ áricũ ĩgũpũre Moise tauro umupeoro gahmea marire. ⁴ Masapũ wirire iirã áhrima. Goãmũpũ áripẽherire iigu áhrimi. ⁵ Moisepũ Goãmũ mohme coregu árigũ Goãmũ ya curu majarãre itamuniguũgu árimũripũ. Pũhrũgue Goãmũ ĩgu masare wereborore weremũripũ masare. ⁶ Cristopũ Goãmũ magũ árigũ ta, Goãmũ yare iiniguicãgu árigũ Goãmũ ya curu majarã tauro opũ áhrimi. Eropirã Moise tauro Cristopũre umupeoro gahmea marire. Eropirã maripũ Cristore guñatura duhubirã áritã marire ĩgu tauborore eropa mucubiri coreniguicãrã ĩgu ya curu majarã áhrra mari.

Goãmũ ĩgu yarãre ĩgu mera òaro soocũ gameñumi

⁷ Eropirã Jesucristore mari umupeo duhubiriborore òpã iro gahmea marire. Irire weremi Espĩritu Santo Goãmũ yare gojarapũguere.

Dohpagãre yũhũ Goãmũ mũare yũ werecũ yũhridiibirã áribiricãque mũa.

⁸ Eropirã òaro yũhrique yũre mũa. Iribojegue Israe masa masa marirogue áritã yũ werequerecũ ta umupeodiibirã yũre yũhribirimũrima. Eropã iirã yũre ĩhasuabiricũ iima. Eropirã erã iidiro dopa iibiricãque mũapũ yũre. ⁹ Eroguere cuarenta bojori gohra erãre deyoro moarire ii ĩhmuribũ erãre itamugũ. Yũ eropa ii ĩhmuquerecũ ta erãpũ òpã arĩ pepimũrima yũre dũyasorã. “Goãmũ marire itamumasisome,” arĩ pepimũrima. Eropã arĩ pepirã ñero iimũrima. ¹⁰ Erã eropiicũ ĩagu erã mera guabu. Eropã guagu òpã arĩbũ: “Erã yahare peediibirã gajiropã áritĩ buherire eropa guñamaacãrã áhrima,” arĩbũ. “Yahapũre ne buhediabeama,” arĩbũ erãre. ¹¹ Eropĩgu erã mera guagu òpã arĩ werebũ: “Erã yũ mera majarã ne árisome. Eropirã yũ mera òaro soosome erã,” arĩ werepũ Goãmũ.

¹²Eropirã, yu acawererã, òaro iique mua Goãmure cohmoni arĩã. Mua ñerire pepirã, Goãmũ ojocarigũre “Diaye iimi ìgũ,” arĩ umupeobirã, ìgũre còãboca mua. Ne yujugũ mua mera majagũ eropa iibiricãporo. ¹³Eropirã ipũre iiro gahmea: Mua mera majarã mũmũri nũcu Goãmũ yare mua basi game wereniguique ñerire iiri arĩã. Ñerire iirã “Iri mera mucubiria,” arĩã, gũyarire pepirã iiaa mari. Eropã pepibiricãque. Ñeripũre iiniguirã Goãmũ yapũre suabeaa mari. Eropã iirã ñerire duhudiabirã waha. Eropã iiri arĩã mua mera majarãre Goãmũ yare mua basi game wereniguique. Jesucristo ìgũ dujariboro core eropa game wereniguique. ¹⁴Eropirã negohrare Cristore mari umupeonũgadiro dopa ta eropa ta mari umupeoniguiçãrã, mari ojocaripõ ìgũ yare duhubirã ìgũ mera majarã àhraa. ¹⁵Goãmũ yare erã gojarapũ yu dohparagã werediro dopa werea daja mũare Goãmũ wereniguirire:

Dohpagãre yũhũ Goãmũ mũare werecũ òaro yũhrique mua yũre. Iribojegue majarã Israe masa erãre yu werequerecũ ta umupeodiabirã yũre yũhridiabirima. Eropirã erã iidiro dopa iibiricãque mua, arĩmi Goãmũ, arĩ gojañuma iribojegure.

¹⁶Eropirã Goãmũ ìgũ wererare peenirã áriquererã erã ìgũre yũhribirimũriñorã. Erã áripehrerã Egiptogue ñero tarinirãre Goãmũ Moise mera ìgũ wiunirã áriñorã. Erã eropa áriquererã ìgũre ne yũhribiriñorã. ¹⁷Eropigũ erã ñero iicũ ìagũ cuarenta bojori gohra Goãmũ erã mera guarũ. Erã ñero iira dipuwaja erogue masa marirogue erãre dujadorepũ. Eropirã erore síria wamũriñorã erã. ¹⁸Ìgũre erã eropa yũhridiabicũ ìagũ òpa gũhyadiaro mera arĩpũ ìgũ: “Erã yu mera majarã ne árisome. Eropirã yu mera ne òaro soosome erã,” arĩpũ ìgũ. ¹⁹Ìgũ eropa aricũ peerã ire masia mari: Erã Goãmure erã umupeobiriri waja, ìgũ mera majarã árimasibiriñorã. Eropirã ìgũ mera òaro soomasibiriñorã.

4 ¹Eropigũ iribojegue majarãre ìgũ mera òaro erã sooborore gamegũ erãre “Yu mera soorãca,” arĩ apipũ Goãmũ. Mari sãre eropa ta arĩ apipũ ìgũ. Eropirã gũhyadiaro mera Goãmure òaro yũhrirã mari wieri marigue arĩã. Eropã wierã ìgũ mera òaro soosome mari. ²Iribojegue majarã Goãmũ yare erã peediro dopa ta mari sã òari buherire peebũ. Erãpũ peerã “Goãmũ diaye iigu àhrimi,” arĩ pepibirimũriñorã. Goãmure umupeobirimũriñorã. Eropiro Goãmũ yare peequererã yũhribiricũ erã peera ñehe áriburi áribiriyoro erãre. ³Maripũ ìgũre umupeorã dihta Goãmũ mera majarã árirãca. Eropirã ìgũ mera òaro soorãca. Goãmũ òpa arĩpũ:

Erã mera guagũ gũhyadiaro mera òpa arĩ werebũ: “Yu mera ne soosome erã,” arĩ werebũ, arĩyoro Goãmũ yare erã gojarapũgue. Eropã arĩpũ ìgũ. I yebare ìgũ ìhacũnugura pũhrũ soorpũ ìgũ. Eropigũ masa sã ìgũ mera sooborore amuyupũ. Amuqueregũ erãpũre “Yu mera ne soosome erã,” arĩpũ Goãmũ. ⁴Seis nũri ìgũ ìhacũnugura pũhrũ ìgũ soorare òpa arĩ gojañuma Goãmũ yare erã gojarapũgue:

Seis nũri pũhrũ áripehrerire ìgũ iirare pehogũ, Goãmũ mohmeduhu soorpũ, arĩ gojañuma ìgũ yare erã gojarapũgue.

⁵Eropiro Goãmũ yare erã gojarapũ õpa arĩ werea daja ãgu mera õaro árĩbirinirãre:

Yũ mera majarã ne árísome erã. Eropirã ne yũ mera soosome, arĩpũ Goãmũ.

⁶Eropirã õari buherire peemãntanirã, ãgure erã tarinũgara dipuwaja ãgu mera majarã árĩbirã ãgu mera soobiriñorã erã. Gajirãpũ ãgu mera majarã árĩrãcoma. ãgu mera soorã árĩrãcoma. ⁷Eropigũ masa ãgu mera õaro árĩburire erã ãgu mera sooburire apigũ daja, “Dohpaguere ãhraa,” arĩ apipũ Goãmũ. Israe masa Goãmũre erã tarinũgara pũhrũ baja bojori pũhrũ irire weredorepũ Davire. Davi were gojarare mũare weretuhajaqueregu weregura daja yũhũ. Eropigũ õpa arĩ gojañumi Davi Goãmũ wereniguirire:

Dohpagãnũre yũhũ Goãmũ mũare yũ werecũ, tarinũgaro mariro õaro yũhrique mũa yũre, arĩ gojañumi iribojegure.

⁸Ero coregue Josué Israe masare Goãmũ ãgu ora yebague aĩ ejapũ. “Yũ mera soorã árĩrãcoma,” arĩgũ iri yebague erã sooborore arĩgũ iibiripũ Goãmũ. Iri yeba soodoregu gajinũ erã sooburire apibiriboñumi ãgu. ⁹Seis nuri pũhrũ i yebare ãgu iira pũhrũ Goãmũ ãgu mohmeduhu soodiro dopa ta mari ãgu yarã sã ãgu mera mari sooburiñe ãhraa. ãgu mera mari õaro árĩburiñe ãhraa. ¹⁰Eropigũ Goãmũ soogu, ãgu mohmerare duhucãnipũ. Eropa ta ãgu mera soorã mari gamero mera iirire duhucãrãca. ¹¹Eropirã mari ãgu yarã õaro iirã. Goãmũ yare õaro yũhrirã ãgu mera mari sooboro dopa. Iribojegue majarã mari acawererã erã tarinũgara pũhrũ Goãmũ mera majarã ne árĩmasibirimuriñorã erã. Erã iidiro dopa iibircãrã mari.

¹²Goãmũ ya wereniguiiri marire Goãmũ mera õaro árĩniguicũ iiaa. Õaripũre marire gohrotocũ iiaa. Eropiro ãgu ya wereniguiiri bu árĩri árĩbeaa. Eropiro matamiji pepuripũ usirimiji mera dirore erã wiri ãha erã masiro dopa ta, ãgu ya wereniguiiri mari árĩricurire mari pepirire õaro masicũ iiaa marire. Eropa masirã mari iiricuri õaro árĩcũ, õaro árĩbircũ sãre masia ãgu wereniguirire peerã. Iri mari buhecũ mari árĩricurire õaro masiphocũ iiaa marire. ¹³Ne Goãmũre mari árĩricurire mari iirare duhmasibea mari. Árĩpehrerire ãgu ãhacũnugurare ãgu ãhacũnuginirã sãre ãhami ãgu. ãgu tamerare mari iirare mari pepirire werepehorãca mari.

Jesu turagu mari pahia opu ãhrimi

¹⁴Jesu Goãmũ magũ ãgu sirira pũhrũ ãgu Pagũ pohroque dujadigũ árĩmi. ãgu turagu mari pahia opu ãhrimi. Eropigũ mari ya árĩburire Goãmũre serẽbasami. ãgu eropa árĩgũ árĩcũ ãarã maripũ ãgu yare õaro yũhrirã árĩrã ãgure õaro umupeoniguicãrã. ¹⁵ãgu Jesucristo mari pahi árĩgũ mari ñero taricũ õaromojomoro ãagu ãhrimi. Mari ñerire ãaribejarire masimi ãgu. Watĩ árĩpehreri ñerire ãgu marire iidorero dopa ta Jesu sãre ñerire iidoreripũ. ãgu eropa iidorequerecũ ãgu ñerire iibiripũ. ãgu eropa ñerire iidorerire iidoredigũ árĩgũ mariremojomoro ãagu marire itamumasimi. ¹⁶Eropirã “Yũre yũhrigucumi,” arĩrã Goãmũre serẽrã. ãgu marire mahimi. Eropigũ mari ãgure serẽcũ mariremojomoro ãagu marire itamugucumi. Eropigũ mari ñero iidiacũ sãre ãgu marire itamugucumi.

5 ¹Árîpehrerã pahia oparã, masa mera majarã àhrima. Beyenirã àhrima erã mera majarã yare Goãmure serêbasamorã. Eropirã masa ñerire erã iira dipuwajare Goãmure serêbasama erã mera majarãre. Eropa serêbasarã waibugure wejê soe mujuma Goãmure. ²Pahia oparã gajirã masa iro dopa òaro masipehobirã àhrima. Gajisubu òarire iibirã àhrima erã sã. Eropa masibirã árirã gajirã masibirãre itamumasima nijiyajaro mera. Eropirã òarire iibirã sãre òaro mera itamumasima. ³Eropirã òaro masipehobirã ñeri iira dipuwajacurã àhrima erã sã. Eropirã erã basi erã ñerire erã iira dipuwaja waibugure wejê soe mujuma Goãmure. Gajirã masa ya áriburire erã ñeri iira dipuwaja erã serêbasadiro dopa ta, erã basi erã ya áriburi sãre serêma Goãmure.

⁴Eropigũ ãgũ ãgũ gamero pahia opu ñajabeami. Goãmũpũ ãgũre beyegũ, pahia opu acumi. Iribojegue majagũ Aarõ mũrũre ãgũ apidiro dopa ta gajirã pahia oparã sãre apimi ãgũ. ⁵Eropa ta Cristo sã ãgũ basi ãgũ gamero pahia opu ñajabiripũ. Goãmũpũ ãgũre opu acugũ òpa arĩpũ:

Yũ magũ àhraa mũhũ. Dohpagãre mũre dehyoacũ iiabũ yũhũ, arĩpũ Goãmũ.

⁶Gajisubu òpa arĩpũ Goãmũ Cristore:

Árîpehrerinũre pahi árinigucãgũca mũhũ. Melquisede ãgũ arĩdiro dopa ta pahi árinigucãgũca mũhũ, arĩpũ ãgũ magũre.

⁷Cristo i yeba árigũ burigã gaguinigui, co deco mera Goãmure turaro serêpũ ãgũ, “Yũre masuque,” arĩgũ. Mari Pagũpũ Goãmũpũ ãgũre síridigũre masumasigũ arĩpũ. ãgũ eropa serêcũ Goãmũ peepũ ãgũre. Goãmũ gameri dihtare ãgũ iidiacũ ãgũ Goãmũpũ ãgũ serêrare peegũ yũhrípũ. ⁸Eropigũ Cristo Goãmũ magũ áriquerẽgũ ñero taripũ ãgũ. Eropa ñero tarigũ yũhrípũ Goãmure. Eropa yũhrigũ òaro yũhririre masituhapũ. ⁹Eropa yũhridigũ crusague sírigũ masa erã ñerire cãdijigũ árîpehrerã ãgũre yũhrirãre taubu warũ. ¹⁰Eropigũ Goãmũpũ ãgũre pahia opu masa yare serêbasabure apipũ. Eropigũ Melquisede pahia opu ãgũ arĩdiro dopa ta àhrimi Cristo.

Cristo yarã ãgũre umupeo duhucũ guhya àhraa

¹¹Baja òpa áririre mũare werenemodiaa gũa. Gũa eropa werenemodiaquerecũ ta mũapũ peediabirã àhraa. Eropirã mũare gũa werecũ mmasumasigũ arĩpũ. ãgũ eroasiya mara. ¹²Yoari boje Cristo yarã áriraa mũa. Eropa árirã dohpaguere gajirãre buherãgue áriboca mũa. Mũa eropa áribonirã áriquerẽcũ ta gajirã mũapũre buherãcoma. Goãmũ yare mũare buhemũhtarare mũare buhero gahmea daja. Ne buhenũgarã iro dopa ta àhraa mũa. ¹³Apĩco mihrirã majirãgã árinima. Erã iro dopa ta mũa sã àhraa òaro masibirã árirã. “I ñeri àhraa. Ipu òari àhraa,” arĩ ãha masibea mũa. ¹⁴Barire barãpũ mũrã àhrima. Erã iro dopa árirã òaro buhenirã òaro pepi masirã mũa áricũ òaboaya. “I ñeri àhraa. I òari àhraa,” mũa arĩ ãha masirã áricũ òaboaya.

6 ¹⁻²Eropirã Goãmũ yare òaro masirã, òaro yũhrirã árirã. Cristo yare negohraguere buhenũgarã òpa masinũgabũ mari: Mari gamero

mera mari iiri duhpiburi árîbeaa. Mari iiri mera tarisome mari. Tarimorã Goãmure umupeoro gahmea marire. Ire negohraguere buhenugama marire. Eropirã marire waïyema. Mojotorire marire erã duhpeorire buhe, sîrinirã erã masa muriborore buhe, i umu pehrera pühru Goãmü ïgu dipuwaja moaborore buhe, ïgu dipuwaja moamorã erã ñero tariniguiboro sãre buhe, i sãre marire negohraguere buhenugama. Eropa áriri buherire mari masituhajarare buhenemobirã gaji buherire ñaro buhenemorã. ³Eropirã Goãmure, ïgu ya sãre masinemorã. Goãmü ïgu gamecũ eropa ta iirãca mari.

⁴Goãmü yare masinirã irire duhurãre ne dipaturi erãre erã ñeri iirare erãre bujawerecũ iimasiya mara daja. Eropa árirã, Cristo ïgu taunirã árirã Espiritu Santore oparima. ⁵Eropirã Goãmü ya wereniguirire peerã ñari werenigui iri áricũ masirima. Eropirã pehrerinu pührague Goãmü ïgu turari mera mari eropa áríniguiborore, masare ïgu dipuwaja moaboro sãre erã masirima. ⁶Eropa árirã Cristo yare erã duhurã Goãmü magure dipaturi crusague erã pabiadiro dopa ta ïgure iirã iima. Erã eropiicũ iarã gajirã masa Cristore wereyama. Eropirã dipaturi erãre, erã ñeri iirare erã bujawere ñarire gohrotocũ iimasiya mara. ⁷Õpa áhrra iri mari werenigui queori mera buhecũ: Ñari yebare wuaro deco aricũ erã oteri ñaro puhri ducacua. Eropigu iri pohe opu ducare opami ïgu baburire. Iri yeba ñari yeba áricũ ïha mucubirimi. Eropa ta Goãmü iimi ïgu yare peenirã sãre. Erã ïgu yare ñaro iicũ ïha mucubirimi erã mera. ⁸Gaji yebapu añapora mera, taa mera iri yeba tiaro duhpiburi yeba árîbeaa. Eropa áriri pohere cóácãro gahmea. Eropa ta Goãmü iimi ïgu ïgu yare peequererã iibirãre. Erãre dipuwaja moa peamegue cóãgucumi.

Cristore eropa umupeoniguirãre taumi Goãmü

⁹Yu mahirã, mware eropa arî werequeregu ta muapure “Cristore duhuristo yare erã duhurã Goãmü mã áhrra,” arïgu iibea. Muapu Cristo ïgu taurã áhrra. Eropirã ñarire iirã iica mua. Irise masia yuhu. ¹⁰Mari ñaro iira waja Goãmü queoro marire ñaro iigu áhrimi. Eropigu ïgu ya árîburire mua turaro mohmerare cãdijisome ïgu. Mua ïgure mahirã ïgu yarãre itamuabu mua. Dohpague sãre erãre itamuniguia mua. ïgure mua eropa mahirare cãdijisome ïgu. ¹¹Mua ojocaríniguicãropẽ gajirãre mua umupeocũ, mua itaisto yare erã duhurã Goãmü mmuniguicũ sãre gahmea gua. Mua eropiicũ ïagu ñaro iigucumi mari Pagu mware. ¹²Eropirã mua tericurã áricũ gamebeaa gua. Gajirã Cristo yarã ñero tariquererã Goãmure “Ïgu diaye ta arïgu áhrimi,” arî umupeoniguicãma. Erã eropiicũ ïagu Goãmü “Masare ñarire ogura,” ïgu arîdiro dopa ta erãre opehogucumi. Eropirã mua sã erãre ïhacurã erã iro dopa ta iiniguicãque.

¹³⁻¹⁴Iribojegue Goãmü Abrahãre õpa arî apiru: “Yu waï mera diaye ta ire arïgu iiaa mure. Mure ñaro iigura. Eropigu mu pãramerã áríturiarãre bajarã masa áricũ iigura,” arî werepigu Goãmü. Eropa arî werepigu ïgu ya waï mera waïpeoru. Gajigu ïgu tauro arïgu ne maricũ ïgu ya waï mera eropa waïpeoru. ¹⁵“Mure ñaro iigura,” Goãmü ïgu arî apirare Abrahãru ñaro ïgu umupeoyura pühru Goãmü ïgu

arĩdiro dopa ta ĩgũre õaro iipũ. ¹⁶“Goãmũ mera diaye arĩgu iiaa,” masapũ arĩrã, erã erã tauro arĩgu waĩ mera waĩpeorã iima. “Goãmũ mera diaye arĩgu iiaa yũhũ,” yujugũ ĩgu arĩcũ gajigũ peegu “Diaye ãhraa,” arĩgũcumi. Dũyasomasibeami. ¹⁷Eropigũ Goãmũ Abrahãre “Mũre õaro iigũra,” arĩ apigũ “Yũ waĩ mera diaye ta arĩgu iiaa,” arĩ waĩpeorũ. ĩgu eropa waĩpeo wererare peerã “Diaye ta ãhraa iri,” arĩ masia. Eropirã “Ĩgu arĩrare ne gohrotosome,” arĩ masia mari. Irire mari masiboro dopa ĩgu arĩ apira mera ĩgu waĩpeogu eropa werepipũ. ¹⁸Eropigũ ĩgu arĩ apira mera, ĩgu waĩpeora mera diaye ĩgu arĩrare masicũ iipũ Goãmũ marire. Eropiro ĩgu waĩpeocũ ĩgu arĩ apira ne gohrotosome. Eropigũ Goãmũ ne gũyabeami. ĩgu eropa arĩgu arĩcũ masirã, mari marire ĩgu tauborore mucubiri corerãca, “Eropa ta iigũcumi,” arĩrã. ¹⁹⁻²⁰Eropa ĩgu tauborore corerã guñaturarã ãhraa mari. Eropa arĩrã “Mari sirirã Goãmũ pohro warãca,” arĩ masirã giũbeaa. Pahia opũ Goãmũ ĩgu arĩri taribu gohrague ñajagu, cãhmotarĩne suhriro pohecague tariñajami. Eropa ñajagu masa ya arĩburire serẽbasami Goãmũre. ĩgu eropiidiro dopa ta Jesu sã umarogue Goãmũ arĩroque ñajamũhtadi arĩmi. Eropa ñajamũhtagũ mari sãre erogue ñajaburire ahmu serẽbasami. Eropigũ arĩpehrerĩnũri nũcũ serẽbasagu iimi pahia opũ arĩgu. Melquisede pahi ĩgu arĩdiro dopa ta pahia opũ ãhrimi ĩgu Jesu.

Melquisede pahi ĩgu arĩdiro dopa ta Jesu pahia opũ ãhrimi, arĩ gojañumi

7 ¹Melquisede iribojegue majagu Salem waĩcũri maca majagu opũ arĩmũripũ. Eropigũ pahi arĩgu Goãmũ turagũre umaro majagũre masare serẽbasagu arĩmũripũ. Eropigũ gajirã oparãre Abrahã gamewejẽtuha, ĩgu dujaricũ gohra, Melquisede ĩgu ya maca arĩdigũ waha, Abrahãre bocatĩripũ. Eropa bocatĩrigũ ĩgũre serẽbasapũ Goãmũre: “Oaro iique ĩre,” arĩ serẽbasapũ Abrahãre. ²Abrahãpũ ĩgu gamewejẽ tarinũgara pũhrũ gajirã oparã yare aĩ dujarũ. ĩgu eropa aĩ dujarare merogã dũharũ ĩgu Melquisedere. Diez ĩgu aĩ dujara arĩcũ yujuñe opũ Melquisedere. Melquisede ĩgu waĩ mari ya mera arĩro “Tauro opũ õaro iigu ãhrimi,” arĩdiaro iiaa. Eropigũ ĩgu Salem waĩcũri maca majarã opũ ĩgu arĩcũ iri maca maja waĩre waĩcũpũ. Salem waĩ õpa arĩdiaro iiaa: “Tauro opũ masare õaro game mahicũ iigu ãhrimi,” arĩdiaro iiaa. ³Ne Melquisede pagũ sumarãre, ĩgu core arĩmũhtanirãre, ĩgu acawererãre erã were gojatura mara. ĩgu masa dehyoarare, ĩgu sirira sãre were gojatura ne mara. Eropigũ eropa arĩniguigu iro dopa arĩpũ ĩgu. ĩgu eropa arĩgu arĩcũ Goãmũ ĩgu magũ ĩgu pahi ĩgu arĩrare marire buhemi. Melquisede pahi eropa arĩniguigu iro dopa ta ãhrimi ĩgu Jesucristo Goãmũ magũ. ĩgu iro dopa ta Cristo sã pahi arĩgu eropa arĩniguicãgu ãhrimi.

⁴Eropigũ Melquisede turagu arĩrare guñaque. Abrahã mari ñecũ mũrũ opũ gohra arĩqueregu ta Melquisedepũre ĩgu duja aĩrare dũharũ. Diez ĩgu duja aĩra arĩcũ yujuñe opũ Melquisedere. Eropa ta ĩgu duja aĩ ĩgu dũharare opũ ĩgũre. ⁵Eropiro Moise ĩgu doreri mera arĩpehrerã gajirã Israe masare iripẽta wajayedorepũ erã pahiare. Eropa doregu Levĩ pãramerã arĩturiarãre erã acawererã arĩturiarã erã wajayerire ñeadoregu apimũripũ. Levĩ pãramerã ya curu majarã pahia dihta wamũriñorã. Eropirã gajirã ya curu majarã sã Levĩ pãramerã

mera Abrahã pãramerã árituriarã árimuriñorã. Erã acawererã áriquererã erã Leví pãramerãre wajayemuriñorã. ⁶Melquisedepu Leví pãrami árituriagu áribiriqeregu ta wajaseapu Abrahãre. Eropigu “Mure òaro iigura,” igu Goãmu arí apidigu áriqeregu Abrahãpu Melquisedere wajayeru. Eropigu Melquisedepu Goãmure Abrahãre serëbasagu òaro árdoremuripu. ⁷Òaro árdoregu Melquisedepu igu òaro árdoredigu Abrahã tauro áripu. Irire mari òaro masia. ⁸Mari mera majarã pahia marire merogã wajasearã mari iro dopa ta masa àhrima. Eropa árirã sirimorã ta àhrima erã sã. Ihí Melquisedepu iribojegue Abrahãre merogã wajaseadigu eropa áriniguigu iro dopa àhrimi igupu. “Igu siria wañumi,” arí werera ne mara. Eropa ta àhraa Goãmu yare erã gojarapügue. ⁹Dohpague majarã Leví pãramerã árituriarã pahia árirã masare merogã wajaseamurima. Eropa árirã erã áriquerecü ta Abrahã erã ñecu árigu Melquisedere merogã wajayegu áripehrerã Leví pãramerã ya áriburi sãre wajayebasagu iimuripu. Eropirã Leví pãramerã sã Melquisedere wajayenirã iro dopa àhrima. ¹⁰Melquisedere Abrahã igu wajayerasubure Levípu masa dehyoanibiripu dohpa. Eropa masa dehyoabiriqeregu ta igu ñecu Abrahã durgue igu áribodiro dopa ta Levípu árituhagu iipu. Eropigu Melquisede Abrahãre igu bocatiricü Leví sã igu ñecu mera igu áriboro dopa árigu iipu. Eropa árigu Leví, igu pãramerã mera Melquisedere merogã wajayenirã iro dopa árirã erã igu doca árirã iinorã.

¹¹Igu dorerire apigu Goãmu Aarõ pãramerã árituriarã Leví ya curu majarãre pahia árdoremuripu. Eropirã igu doreri dorediro dopa ta erã pahia waimurãre soe mujurã masa ya áriburire serëbasamuriñorã Goãmure. Erã pahia erã eropiiquerecü masa Goãmu mera òaro wamorã áribirimuriñorã dohpa. Erã pahia erã iira mera masa òarã wacü Goãmü erãre gohrotobure Cristore obeobiriboñumi. Eropigu igu obeodigu marire Goãmü mera òaro áricü igu aridi árimi Cristopu. Igu Leví ya curu majagu Aarõ muru iro dopa áribiripu. Melquisede iro dopa áripu. ¹²Eropigu pahiare gohrotogu, marire doreri sãre gohrotoro gámemi igure. Pahia erã itamuri mera mari taribiro dopa ta iri doreri mera mari taribea. Eropiro iri dorerire gohrotopehoro gámemi. ¹³Aarõ Leví sã, erã ya curu majarã dihtare pahiare acumuripu Goãmü igu dorerire apigu. Igu eropa acuquerecü ta dohpaguere mari Opure Cristore pahire Goãmü igu acudigu gaji curu majagu àhrimi. ¹⁴Igu mari Opu Cristo Judá ya curu majagu masa dehyoapu. Moise pahiare acugu, Judá ya curu majarãre ne acubirimuripu. Irire òaro masia mari.

¹⁵Ire masirã, òpa mari òaro masia: Dohpaguere ne igu acudigu pahi Cristo Melquisede iro dopa árigu àhrimi. ¹⁶Iribojegue maja doreri dorediro dopa ta Leví ya curu majarã dihta pahia ñajamuriñorã. Jesucristopu Goãmü ne igu acudigu gajirã pahia erã iro dopa pahi ñajabiridigu árimi. Igu Goãmü turari mera áripehrerinuri árigu àhrimi. Eropigu iri turari mera pahi ñajadi árimi igu. ¹⁷Òpa àhraa Goãmü yare weremüthanirã erã gojarapügue:

Áripehrerinurire pahi áriniguigüca mühu. Melquisede igu pahi igu áriniguidiro dopa pahi áriniguicãgüca mühu, arípu Goãmü igu magure, arí gojañuma iribojegure.

18 Goãmũ ĩgu doreri Moisere ĩgu apimũhtara doreri turari árĩbiribu. Eropigũ iri dorerire duhucãdi árĩmi Goãmũ. 19 Moisere ĩgu apira doreri mera ne õaro tariburire opabirimũribũ mari. Eropigũ dohpaguepũre Goãmũ marire ĩgu tauborore marire apidigũ árĩmi. ĩgu eropiicũ dohpaguere ĩgu pohrogue wamasia mari. Eropirã ĩgu mera wereniguimasia.

20 Eropigũ Cristore pahi acugũ, “Yũ waĩ mera mũre acugũ iiaa,” arĩpũ Goãmũ. Gajirã pahia ñajacũ ĩgu iro dopa waĩpeo acubiripũ erãre. 21 Cristopũ ĩgu Pagu waĩ werepira mera pahi ñajapũ. Õpa arĩ werepipũ ĩgu Pagu Cristore:

Yũhũ mũ opu yũ waĩ mera mũre weregũ diaye weregũra. Eropigũ ire ne gohrotoro mariro werea mũre. Árĩpehrerĩnũrĩre pahi árĩniguicãgũca mũhũ, arĩ werepipũ Goãmũ ĩgu magũre.

22 Eropa werepigũ mama buherire marire apigũ, marire ĩgu tauborore apigũ iipũ. Iribojegue maja doreri tauro mari õaro árĩborore apigũ iipũ. Eropigũ Goãmũ masare “Õaro iigũra,” ĩgu arĩdiro dopa ta iibu, Jesure obeodigũ árĩmi marire taubure. 23 Árĩmũhtanirã pahia erã sĩricũ ĩarã gajirã gohroto ñajamũriñorã daja. Eropirã erã bajarã pahia wañorã. 24 Jesupũ eropa árĩniguicãmi. Eropirã ĩgũre gohrotorã ne marima pahia. 25 Eropigũ ĩgu eropa árĩniguigũ, Goãmũre eropa serẽbasaniguicãmi ĩgu ĩgu yarã ya árĩburire. Eropigũ Goãmũ mera erã eropa árĩniguiboro dopa masare taumasimi ĩgu. Árĩpehrerã ĩgũre umupeorã Goãmũ pohrogue warãca. Eropigũ Jesu ãhrimi upũtu marire taubu.

26 Eropigũ Jesu ãhrimi mari pahia opu. ĩgu tamerare bũrigã gahmea mari. Ne ñeri dipuwaja marigũ ãhrimi ĩgu. Eropigũ masa iro dopa ñerire iibiridi árĩmi. Eropigũ Goãmũ ĩgũre ñerã watope árĩdigũre aĩgũ, umarogue api, árĩpehrerã gajirã tauro árĩgu opu acupũ. 27 Gajirã pahia iro dopa árĩbeami ĩgu. Erãpũ umũri nucũ waibũgũre wejẽ, soe muju serẽmũrima Goãmũre masa ñeri iira dipuwaja cãdijidorerã. Erã basi erã ñeri dipuwajare serẽmũhtamũrima. Pũhrũ gajirã ñeri dipuwaja sãre serẽbasamũrima erã. Eropirã erã bajasuburi eropa Goãmũre serẽbasamũrima. Jesupũ pahi árĩgu, yujusubu ta masa ñeri dipuwajare Goãmũre serẽpũ. ĩgu waibũgũre wejẽbiri ĩgu basi sĩridigũ árĩmi mari masa ñeri iira dipuwajare taubu. 28 Goãmũ doreri Moisere ĩgu apira mũra pahia oparã ñajadoreã. Eropa erã ñajaquererã, ñeri marirã árĩbeama pahia ñajarã. Iri doreri pũhrũ Goãmũ ĩgu magũre pahire acugũ “Diaye ta pahi árĩniguicãgũcumi,” arĩ acupũ. ĩgupũ ñeri mariro eropa árĩniguicãmi.

Goãmũ masare “Mũare taugũra,” arĩ apipũ daja ĩgu Moisere arĩ apirare gohrotogu. ĩgu mama apirare werebasagu ãhrimi Jesu

8 1 Iri árĩpehrerire arĩ wererã i tamerare mũare arĩrã iiaa: Mũare gũa weredigũ pahia opu ĩgu tamera mari yagu gohra ãhrimi. Mari ya árĩburire Goãmũre serẽbasagu ta ãhrimi. Umarogue Goãmũ turatarigũ ĩgu opu doaro pohro ĩgu diayepũ doami ĩgu Cristo mari pahia opu. 2 Eropigũ Goãmũ wihi i yeba maja wihi, masa erã iira wihigue

mohmebeamí. Umarogue áriri wihire mari Opu ïgu iira wihire Goãmü ya áriburire mohmebasami. Iri wihi tamera Goãmü ya wihi gohra áhraa.

³Eropirã árípehrerã i yeba majarã pahia oparã waimurãre wejẽ soe muju Goãmüre omurima masa ñero iira dipuwajare cãdijidorerã. Eropa ta iimorãre apidigu árími Goãmü. Eropigu mari yagu pahi Cristo sãre apigu eropa ta iidorepu. Eropigu mari ñeri iira dipuwajare Jesucristo ïgu basi síridi árími.

⁴Moise doreri dorediro dopa ta i yebague pahia masa erã ñeri dipuwaja cóãburire mohmebasama. Eropirã i yebague pahia árituhama. Erã eropa árituhajacü Jesupu mari yagu pahi i yeba árniguigu, pahi áribiriboñumi ïgu. ⁵I yeba majarã pahia erã mohmerire i yeba maja wihi ta Goãmü wihi mohmerã árituhajama. Goãmü wihi gohra umarogue áhraa. Eropiro Goãmü wihi i yeba maja wihi umaro maja wihi ihacü iira wihi áhraa. Eropigu Moise iri wihire i yeba maja wihire ïgu moaboro coregã Goãmü opa arípu ïgure. “Utãgugue árigü mure yu íhmudiro dopa ta yaha wihire opa iique. Yuhu dorediro dopa ta yaha wihire queoro iique,” arímurípu Goãmü ïgure. ⁶Dohpaguepüre Jesu pahi árigü ïgure apira mohmeri i yeba majarã pahia mohmeri tauro oaro áhraa. Bu gohra áríbeaa. Goãmü masare “Cristo mera mure oaro iigura,” ïgu arí apira iribojegue maja doreri Moise doreri tauro oari áhraa. Marire ïgu arí were apira iri doreri tauro marire oaro áricü iiroca. Eropigu marire Goãmü mera amubasagu árigü, Cristopu gajirã tauro pahi áhrimi.

⁷Negohrague Moise dorera mera mari Goãmü mera oamasibirimuribu. Iri doreri mera mari oacü gaji buherire apibiriboñumi Goãmü. Iri doreri mera mari oacü, “Cristo mera mure oaro taugura,” arí werebiriboñumi marire.

⁸Iri dorerire erã bocatíubirirare weregu opa arípu ïgu yarãre Israe masare:

Opa arãa yuhu mña Opu: “Oaro peeque. Puhrugue gaji buherire weregura yaharãre Israe masare, Judá ya curu majarã sãre. ⁹Iri buheri erã ñecu sumarãre erãre werepira iro dopa ne árisome. Yu basi erãre Egipto yebague árinirãre wiugu erãre werepiribu. Yu eropa arí werepirare tarinugama erã. Erã eropiicü ïagu negohrare erãre yu wererare duhcãbu. ¹⁰Eropigu puhrugue Israe masare opa arí weregura: Yu dorerire erãre guñacü iigura. Erãre yu dorerire yuhridiacü iiguca. Eropigu yu Goãmü erã opu árigura. Eropirã erãpu yaharã masa árirãcoma, arí weregura. ¹¹Eropirã irisubure erã mera majarãre erã acawererãre ne erã opa erã basi game arísome: ‘Dohpague mari Opure Goãmüre masique mña,’ ne arí game buhesome. Erã árípehrerã yure masituharãcoma. Majirãgã, murã sã yure masirã dihta árirãcoma. ¹²Eropigu erã ñeri iirare cãdijiguca yuhu. Eropigu erãre dipuwaja moasome yuhu,” arãa yuhu mña Opu, arípu Goãmü ïgu ya werenigui ri erã gojarapügue.

¹³Eropa arígu mama buherire apigu, iribojegue maja dorerire duhcü iigu iimi. Eropiro mura doreri ïgu duhcü iira puhru iri doreri mura gohrotopehrea waro iiaa.

I yeba maja taribure umaro maja taribu säre
Goãmure umupeiari taribure werepu

9 ¹Negohraguere Goãmũ ãgu dorerire Moiserere apigu masa ãgure umupeoburi säre werepipũ. Eropigu Goãmure erã umupeoburi wihi säre iidore apipũ. ²Iri wihi waimurã gasiri wihi áriyoro. Pe taribu opayoro. Wuari taribu erã ñajamuhtari taribu Goãmũ ya taribu waicuyoro. Iri taribure erã sihãgori yucu duhpoodigu áriyoro. Eropáricũ mesa sã áriyoro. Iri mesa weca Goãmure erã ori pan peyayoro. ³Gaji taribu suhri mera erã cãhmotara taribu áriyoro. Iri taribu Goãmũ ãgu áriiri taribu gohra waicuyoro. ⁴Iri taribugue oro mera erã iira mesa, incienso erã soeri mesa áriyoro. Eropiro oro õari mera erã sũra comoro ero oyayoro. Iri comoro waicuyoro Goãmũ arĩ werepira gojara dicũri comoro. Iri comoro pohecague dicuyoro. Yuju coro oro coro dicuyoro. ãgu masare ejorañegã mana waicuriñegã dicũri coro áriyoro. Eropiro iri comoro pohecague Aarõ yagu ãgu tuadigu pũcãdigu áriyoro. Eropiro pemiji utãmiji Goãmũ ãgu doreri ãgu gojatura mijiri iri comoro pohecague dicuyoro. ⁵Iri comoro weca perã anyua wéanirã áriñorã. Erã wéanirã Goãmũ ãgu gosesiriri mera, “Iri taribure ãgu áhrimi,” arĩ werero iyyoro. Iri comoro buariñe erã quẽdupũri mera buasuyoro. Iri comoro buariñe weca masa ñero erã iira dipuwajare cãdijidoregu waimurã di Goãmure erã orare wejësiripeopũ pahi opũ. Iripẽta weregura i wihi majare dohpaguere. ⁶Eropirã iri wihire eropa erã õaro erã amura puhũ pahia umuri nucũ erã ñajajamuhtari taribu erã mohmerire iimuriñorã. ⁷Eropigu pahia opupũ dihta gaji taribuguere ñajapũ. Bojori nucũ ãgu iri taribure yujusubu ta ñajapũ ãgu. Eropa ñajagu erã wejẽdigu waibũgu dire aĩ ñajagu, Goãmure umupeopũ. Iri di mariro ne ñajabiripũ. ãgu basi ãgu ñeri iira wajare, áripehrerã gajirã Israe masa erã ñero iira dipuwaja säre cãdijidoregu dire aĩ ñaja apimuripũ ãgu Goãmure. ⁸Áripehreri i mera Espĩritu Santo marire õpa arĩ buhebu iimi: Iri wihi Moiserere ãgu apira wihigue Goãmure umupeoburi áriirisubu masapũ Goãmure umupeorã iri wihigue ñajamasibiriñorã. Pahia opũ dihta Goãmũ ãgu áriiri taribu gohraguere ñajamasimi masare serẽbasagu. ⁹I áripehreri Goãmure umupeiari wihi majare masare apira, marire dohpague majarã buheburi dihta áriyoro. Pahia erã ñeri dipuwajare waimurãre wejẽra mera masa ne Goãmũ mera tarimasibiriñorã. Pahia erã eropa soe mujuquerecũ masa erã ñeri erã pepirigue ne pehresũbiriñorã. ¹⁰Goãmũ Moiserere apira doreri deyoro maja iiri dihta áhraa. Erã õpa baburi, erã õpa ihriburi, erã õpa coeburi, erã õpa iiri dihta áriyoro. Eropiro iri doreri marire õarã wacũ iibiriyoro. Goãmũ iri dorerire masa erã iiburire apiñumi Cristo ariboro core. ¹¹Dohpaguere Cristopũ mari pahi opũ áriũ arituhadigu áhrimi. Eropigu marire siribasara mera marire õarã wacũ iituhadi áriimi. Eropigu Goãmure mari ñeri dipuwajare cóãdoregu Goãmũ áriirogue ñajaja i yeba maja taribure ñajabiripũ. Umaro maja wihi ñajapũ. Iri wihi i yeba maja wihi tauro áhraa. Eropiro masa erã iira wihi áribea. ¹²Eropigu Cristo umarogue Goãmũ ãgu áriiro gohrague yujusubu ta mari ñeri dipuwajare ñajatupũ. Eropa ñajagu

cabritoa dire, wecua dire Goãmũ árĩri taribugue erã ai ñajaro dopa iibiripu ãgu. ãgu basi sãrigũ ãgu di gohrare cóãgu árĩpehrerinũri Goãmũ mera mari ôaro árĩnguicãborore iipu. ¹³Ñeri oparãre guhrraricũrãre coewearã erãre wejẽsiripeomuriñorã cabritoa di mera, wecua di mera, wecuare erã soera niti mera. ¹⁴Eropa iĩnorã masa erã dũpũre ñerire coewea cóãrã. Iri tauro Cristopũ ãgu di mera mari pepirigue mari ñerire ôaro coewea cóãcãdi árĩmi. Iri ñeri dipuwaja oparã peamegue wabonirã árĩribũ mari. Jesucristopũ ñeri marigũ árĩgu ta ãgu basi crusague sãrigũ Goãmũre ópũ. Espĩritu Santo eropa árĩnguigũ ãgu itamuri mera eropa ópũ ãgu ãgu basi. Eropigũ ãgu mari ñerire ãgu coeweadĩ árĩmi, Goãmũ ojocarigũ ya árĩburire mari ôaro iimasiboro dopa.

¹⁵Eropigũ “Ôpa muare ôaro iigũra,” Goãmũ arĩ ãgu mama werepidiro dopa ta Cristopũ iidigũ árĩmi. Eropa iidi árĩmi ãgu Goãmũ ãgu beyenirãre taubu. ãgu eropa taucũ árĩpehrerinũri ãgu mera ôaro árĩrãca mari ãgu yarã. Eropirã Goãmũ ãgu yarãre ãgu oburire oparãca mari. Moise doreri dihta árĩcũ masa erã ñeri iira dipuwajacũrã árĩmuriñorã dohpa. Eropa ñeri iira dipuwajacũrãre taubu ãgu crusague sãribasadi árĩmi. ãgu eropa sãricũ mari ãgu yarãre ãgu oburire oparãca. ¹⁶⁻¹⁷Ôpa ãhraa mari masare. Yujugũ ãgu sãriboro core ãgu acawererã ãgu yare ai gueremasibeama. Eropiro ãgu oparire ãgu acawererãre ãgu oburire ãgu gojatuyurapũ ãgu sãriboro core iripũ wajacũbea dohpa. ãgu sãricũ iarã iripũ ãgu arĩ gojadiro dopa ta ãgu yare guererãcoma erã. ¹⁸Eropa ta Goãmũ masare werepimũhtara Moisere ãgu apira doreri sãriro mariro di cóãro mariro ne duhpiburi árĩbiriyoro. Eropigũ waibũgu dire Moise wejẽsirira pũhrũ ãgu dorerire diaye ta iigu iipu. ¹⁹Eropigũ ôpa iimũhtapũ Moise: Goãmũ ãgu apira dorerire masare werepehopũ. Pũhrũ cabritoa dire, wecua dire deco mera morepũ. Eropigũ isopo waĩcudigũ dũpũ mera oveja poari diari poari mera erã ñimurare turãpũ. Iri dũpũ mera dire yosogũ, Goãmũ dorerire ãgu gojarapũ weca wejẽsiripũ. Árĩpehrerã masa weca sãre wejẽsiripeopũ. ²⁰Eropa iigu ôpa arĩpũ ãgu: “Goãmũ marire ãgu werepira ãgu dorera i di mera iri diaye árĩcũ masia mari. I dire iarã diaye ta ãgu arĩdiro dopa ta ãgu marire iiburire masia. Maripũre irire yuhridoremi,” arĩpũ Moise. ²¹Eropigũ masare ãgu iidiro dopa ta Goãmũ umupeori wihi waimurã gasiri wihire, árĩpehreri iri wihi árĩri sãre wejẽsiripeopũ. ²²Eropa ta ãhraa. ãgu doreri iri dorediro dopa ta baja ñerire di mera coeweadoreyoro. Eropigũ di cohmore mariro Goãmũ mari ñeri iirare ne cãdijsome.

Cristo ãgu dire cóãgu, ãgu yarã erã ñeri iirare coewearũ

²³Eropiro i yeba maja wihire, iri wihi árĩri sãre ñerire coewearo dopa ta waimurã di mera wejẽsiripeomuripũ. Eropiro iri tauro umarogue wamorãre erã ñeri dipuwaja oparare coero gahmea. Eropiro waimurã di tauro árĩgu ya di mera erã ñerire coero gahmea. Eropirã Jesucristo ya di mera coenirã wabũ maripũ. ²⁴Eropigũ Cristo mari ñeri iira dipuwajare Goãmũre cóãdoregu

Goãmure erã umupeori wihi masa erã iira wihire ñajabiripũ. I yeba maja wihi umaro maja wihi ñhacũ iira wihi ãhraa. Goãmũ ya wihi gohra umaro maja wihi ãhraa. Eropigũ mari ñeri iira dipuwajare cóãdoregũ Goãmũ áriro gohrague ñajapũ Cristo. Umarogue wapũ igũ Goãmũ core mari ya áriburire serēbasabu. ²⁵Pahia opũ bojori nucũ Goãmũ igũ áriro taribugue erã ñeri iira dipuwajare cóãdoregũ ñajamuripũ waimurã di mera. Cristopũ sirigũ igũ dire cóãdigũ Goãmure mari ñeri iira dipuwajare cóãdoregũ erã iiro dopa bajasuburi ñajabiripũ. ²⁶Bajasuburi igũ dire cóãbu árigũ, i yeba áriropē bajasuburi igũ ñero siriniguicãboñumi. Yujusubu ta dehyoapũ igũ i yebaguere i umũ pehrerinũ coregã. Igũ dehyoagũ igũ yujusubu ta siribasara mera mari áripehrerã ñeri iirare cóãbu dehyoapũ. ²⁷Áripehrerã mari masa sã yujusubu ta sirirãca. Mari eropa sirira puhũ, òarãre, ñerã sãre beyegucumi Goãmũ. ²⁸Yujusubu ta mari siriro dopa ta Cristo sã yujusubu ta siripũ bajarã masa erã ñero iirare cóãbu. Puhũ dipaturi dujarigucumi. Mari ñerire cóãdigugue dujarigucumi. Eropigũ irire dipaturi cóãgũ arisome. Eropa arigũ mucubiriri mera igũre corerãre taugũ arigucumi. Igũ pohrogue erãre aigãbu arigucumi.

10 ¹Moise doreri puhũ Cristo masare igũ òaro iiburire ñmura dihta áribũ. Eropiro Cristo masare erã ñeri iirare òaro cóãboro dopa iri doreri erã ñerire cóãmasibiriyoro dohpa. Eropiro iri doreri iri iidorero dopa ta pahia bojori nucũ Goãmure waimurãre wejē, soe muju, iiniguiquerecũ masa erã ñerire cóãmasibiriyoro. Goãmure umupeomorãre òarã áricũ iimasibiriyoro iri doreri. ²Iri mera masa erã ñerire cóãcũ, yujusubu ta Goãmure erã waimurã wejē di cóãra puhũ erã ñerire cóãpehosũboñuma. Eropirã irisuba majarã, “Dipuwaja mara guare,” arĩ pepiboñuma masa. Eropirã iripēta dipaturi Goãmure waimurã wejēburire duhucãboñuma. ³Óabirimuriñorã dohpa. Eropirã bojori nucũ Goãmure waimurãre wejē di cóãcũ masa erã ñeri dipuwajare guñaniguicãñorã. ⁴Wecua di mera, cabritoa di mera ne mari ñeri dipuwajare cóãmasiya mariyoro dohpa.

⁵Iri eropa áricũ ñagũ Cristo i yebaguere igũ ariboro core òpa arĩpũ Goãmure ñagũ Pagure:

Waimurãre erã soe muju ocũ, trigo pogare erã ocũ sãre mũ ñagũ ñhasuabeaa mũhũ. Eropigũ masa dehyoacũ iibu mũhũ yure. Mũhũ yure iira dũpũ mũre mucubiricũ yũ iiburi dũpũ áriroca. ⁶Ñerire erã cóãborore waimurãre wejē erã soe mujucũ ñagũ ñhasuabirabũ mũhũ. ⁷Mũ eropa ñhasuabiricũ ñagũ òpa arĩbũ mũre: “Mũ gamerire yebague iigũ wagũra. Yũ eropiiburire arĩ gojara ãhraa mũ yare erã gojarapũgue,” arĩbũ yũhũ, arĩmũripũ Cristo ñagũ Pagure.

⁸Negohraguere Goãmũ igũ doreri waimurãre trigo poga sãre erã ori mera erã igũre umupeodorequerecũ ta òpa arĩpũ Cristo igũre. “Waimurãre soe muju erã ocũ, trigo pogare erã ocũ sãre gamebiribũ mũhũ,” arĩpũ ñagũ. ⁹Eropa arĩtuhagũ òpa arĩnemopũ: “Mũ gamerire yebague iigũ wagũra,” arĩpũ. Igũ eroparicũ òpa masia mari. Iribojegue Goãmure erã ñerire cóãdorerã waimurãre wejē di cóãrãre gohrotogũ iipũ Goãmũ. Eropa gohrotogũ Cristo ñagũ siridiro mera masare erã ñeri

dipuwajare taugucumi Goãmũ. ¹⁰Jesucristo ïgu dupure ogu sïrigu árïpehrerã mari ñero iirare cóãdïgu árïmi. Yujusubu ta Goãmũre ïgu dupure ogu marire dipuwaja maricũ iidi árïmi. Eropa iïgu Goãmũ ïgu gamediro dopa ta iidi árïmi.

¹¹Árïpehrerã pahia umuri nucũ Goãmũre umupeori wihi mohmeniguima. Eropa mohmeniguirã muraro ta waimurãre wejẽ soe mujuma Goãmũre masa ñerire cãdijidoremorã. Erã eropa iiquerecũ ta erã ñero iirire cãdijibeami ïgu.

¹²Cristopũ yujusubu ta mari ñeri dipuwajare sïrigũ, mari ñero iirare ôaro cãdijipehocãcũ iidïgu árïmi. Irire cãdijipehocũ iituha waha wapũ ïgu Pagũ pohrogue ïgu diayerũ doagu wagũ. Opũ árïgu erogue doacumi. ¹³Eroguere doagu coregu iimi. ïgure ihaturirãre ïgu Pagũ ïgu tarinũgabasaborore coregu iimi.

¹⁴Yujusubu ta ïgu sïridiro mera ïgu coenirãre ôarã ñeri mariro erã árïnguicũ iidi árïmi. Eropïgu Goãmũ pohro doami pare. ¹⁵Jesucristo eropa iiboro core erã arï gojamũhtarare arï weremi Espïritu Santo marire. Ôpa arï weremi ïgu:

¹⁶Ôpa arïmi mari Opũ: “Pũhrũguere ôpa arï weregũra Israe masare. ‘Yũ dorerire erã yũhridiacũ iïgu erã pepirigue apïgũra,’ arï weregũra,” arïmi ïgu.

¹⁷Ôpa arïnemomi Goãmũ:

“Erã ñero iirare dipaturi guãanemosome yũhũ,” arïmi ïgu, arï weremi marire Espïritu Santo Goãmũ yare gojarapũgue.

¹⁸Mari ñeri iirare ïgu cãdijicũ dipaturi mari ñeri dipuwajare sïribure gamebeaa mari.

Goãmũ pohro mari ejaro dopa ta ïgu mera güiro mariro mari wereniguimasia

¹⁹Cristo ïgu sïriro mera ïgu di cóãro mera mari sã dohpaguere güiro mariro Goãmũ mera wereniguimasia. Eropirã ïgure serẽmasia. ²⁰Iribojegue Goãmũ ïgu árïri taribugue Goãmũre serẽbu pahia opũ dihta ñajamasimi. Iri taribure Goãmũ árïrore cãhmotara suhrirore ïgu dihta tari ñaja serẽmasimi. Dohpague ta mari basi Goãmũ árïro ñajaro dopa ta Goãmũre serẽmasia. Pahia opũ ïgu iri taribugue ïgu dire aï ñajaro dopa ta Cristopũ Goãmũ pohrogue ejaũ mari ñeri iirare cãdijidoregu ejaũ. Eropa iïgu Goãmũ mera mari wereniguibodirore cãhmotadirore cóãdi árïmi. ²¹Goãmũ pohrogue serẽbasagu mari Goãmũ yarã yagu pahia opũ turatariagu àhrimi Jesucristo. ²²Eropirã, yũ acawererã, Cristo mari pahia opũ árïcũ ïha mari Goãmũ mera wereniguimasirã árïrã Goãmũre serẽrã. Diaye pepirã árïrã, “Ïgu yũhrigucumi,” arï umupeorã ïgure serẽrã. Cristo mari ñerire ïgu di mera coenirã àhrra. Eropirã “Dipuwajacũrã àhrra,” arï pepirã árïbeaa mari. Eropirã guhrari mariri deco mera coeweasünirã iro dopa àhrra. Eropa árïrã Goãmũre serẽrã. ²³“Mũare taugũra,” ïgu arïdiro dopa ta iïgucumi. Eropirã ïgu marire ïgu tauboro ôaro mucubirimũhtayua mari. Irire mucubirimũhtayurã ne cãdijibiricãrã. Goãmũre eropa guñaturanigucãrã. Eropa guñaturarã irire gajirãre wererã mari. ²⁴Mari mera majarãre mahirã itamurã mari árïpehrerã mari game mahi mari itamuboro dopa. ²⁵Eropirã ôaro gamenererã Goãmũre umupeomorã. Gajirãpũ gamenerebeama Goãmũ yare buhemorã. Erã

iiro dopa iibiricãrã. Mari mera majarãre Jesucristore umupeonemocũ iirã. I yebaguere mari Opũ ãgu dujariboro merogã duhyaa. Irire masirã turaro itamurã mari mera majarãre, Jesu yarãre erã Jesucristore umupeoire.

²⁶Diaye áriiri buherire mari masiquererã ta irire cóãrã ñerire mari eropa iiniguicũ, Jesucristo sãirira mera mari ñerire cóãnemoboro ne mara. ²⁷Eropiro eropa iirãre guhyaro dujaa. Áripehrerã ãgure ñaturirãre dipuwaja moagu turaro ãjurogue cóãgucumi Goãmũ erãre. Eropirã ãgu dipuwaja moaborore giurã dihta áhrima ãgu yare cóãnirã. ²⁸Moise dorerire tarinũganirãre dipuwaja moarã erãre wejẽmuriñorã. Ne mojomoro ñaro mariro wejẽmuriñorã erãre. Urerã erã ñero iirare weresãcũ peerã erã tarinũgarare masima. Urerã maricũ perã erã ñero iirare weresãcũ peerã erãre wejẽmuriñorã Goãmũ dorero dopa ta. ²⁹Erã iidiro tauro Goãmũ magure ñaturirã dipuwaja moasũmorã áriãrãcoma. Cristo ãgu di cóãro mera marire mari ñeri iirare cóãdi áriimi Goãmũ. ãgu eropa cóãborore wereyupũ ãgu. Eropirã ãgu cóãnirã erã áriquererã ta, puhru ãgu di cóãrãre “Bu gohra áhraa,” arirã ãgu dipuwaja moamorã gohra áriãrã ta iirãcoma. Eropa áriãrã Espiritu Santore ñero arĩ wereniguirã áhrima. ãgu erãre mahigu áhrimi. Erã eropa ñero wereniguicũ ñagu turaro dipuwaja moagucumi Goãmũ erãre. ³⁰Goãmũ eropa iigu áriãgure masia. Goãmũ ãgu basi ta opa arĩpu: “Yũhu áhraa dipuwaja moabu. Erã ñerire iira dipuwaja, dipuwaja moagura yũhu,” arĩpu ãgu. Opa arĩnemopũ: “Yaharãre ñero iirãre dipuwaja moagura,” arĩpu ãgu, arĩ gojañuma ãgu yare gojarapũgue. ³¹Goãmũ ojocarigu marire dipuwaja moacũ guhyataria.

³²Iribojegue mua áriãrãre guñaque mua. Irisubure Goãmũ yare ne masinũgarã ñero tariquererã bajasuburi ñero tariquererã ne ãgu yare cóãbiribũ mua. ³³Yujuyerisuburi masa erã ñhuro gajirã mũare ñero arĩ, ñero pabirama mũare. Eropirã gajirã Jesu yarãre erã ñero iicũ ñarã erãre mojomoro ñabũ mua. ³⁴Erã Cristo yarã erã áriãrã waja erã peresugue áriãrãre mojomoro ñabũ mua. Eropirã mua yare erã emaquerecũ ta mucubiriri mera “Óaroca,” arĩmuriũ mua. I yeba maja tauro ñarire umaroguere mua opaburire masimuriũ. Iri ñari pehrebiriboro masibũ mua. Irire masirã mua oparire erã emacũ bujawerebiribũ mua. ³⁵Eropirã irire guñatura duhubiricãque. Goãmũre eropa umupeoniguicãque. Mua eropa iira waja mũare ñaro iigucumi. ³⁶Goãmũ yare ñaro iiniguicãro gahmea ne duhuro mariro. Goãmũ yare iirã bocatiuro gahmea. Eropa iirã áriãrã ãgu gamerire mua iira puhru ãgu “Mũare opa ogura,” ãgu arĩ apirare oparãca. ³⁷Opa áhraa Goãmũ yare erã gojarapũgue:

Merogã duh, ñero pabirama mũare. Eropiryaa Cristo ãgu eraboro.

Eropa eragu mata erapurumujugucumi. ³⁸Yaharã ñarãpu yure umupeoniguicãrãcoma. Eropirã yaharã áriñiguicãrãcoma. Yũ mera eropa áriñiguirãcoma. Yahare cóãnirãpũre ñhasasome yũhu, arĩmi Goãmũ, arĩ gojañuma.

³⁹Maripu Goãmũ yare cóãrã áribeaa mari. Eropirã peamegue wamorã áribeaa mari. Goãmũre umupeoa mari. Eropirã ãgu taunirã áhraa ãgu pohro wamorã.

Umupeorire werepũ

11 ¹Ōpa āhraa umupeori: Goāmũre umupeorã, marire ãgu ãaro iiburire ãaro masia. ãgũre ãabiriquererã ãgũre umupeorã “Diaye ta iigu āhrimi,” arĩ pepia mari. ²Iribojegue majarã Goāmũre “Diaye ta iigu āhrimi,” erã arĩ umupeocũ ãagu ãhasũapũ Goāmũpũ.

³Goāmũ ãgu wereniguirĩ mera áripehrerire ãhacũnugupũ. Eropigu ãgu mari ãabirirare áripehrerire mari dohpague mari ãari sãre ãhacũnugupũ. Irire mari ãaro masia Goāmũre umupeorã.

⁴Goāmũre umupeogu Abelpũ cordero wejẽ, soe mujupũ Goāmũre umupeogu. Eropa iigu ãgu ãigu tauro ãaro umupeopũ ãgu Goāmũre. Eropigu Goãmũ ãgu orare mucubiripũ. Eropa mucubirigu “Ōagu āhrimi,” arĩ ãapũ ãgu Abelre Goāmũre umupeogũre. Abel iribojegue siridigu mũrũ áriquererẽ ãgu Goāmũre eropa ii umupeorare guñaã mari sã. Eropa guñarã. Goāmũre umupeoa mari sã.

⁵Enoco Goāmũre ãgu umupeocũ ãagu mucubirimũripũ Goãmũ. Eropa mucubirigu ãgũre ãgu pohrogue aĩmũriapũ. Eropa ta werea Goãmũ yare wereniguirire erã gojarapũgue. ãgu eropa aĩmũriara pũhrũ masa ãgũre ne bocabiriñorã. ãgu eropa aĩmũriadigu árigũ ne siribiripũ. ⁶Goāmũre umupeobirã ãgũre mucubiricũ iimasibeaã mari. Goāmũre serẽdiarã ãpa ãgũre arĩ pepiro gahmea marire. “Diaye ta ãgu Goãmũ gohra āhrimi. Eropigu ãgũre mari umupeocũ marire ãaro iimi ãgu,” arĩ pepiro gahmea. Mari eropa arĩ pepibirã mari ãgũre serẽmasibeaã.

⁷Noẽ Goāmũre umupeogu ãgũre ãgu wererare ãaro yũhripũ. Pũhrũ erã ñero waborore Goãmũ ãgũre wererẽ peegu ãaro yũhripũ ãgu. Eropa yũhrigu wũadiru dohodiru iipũ ãgu acawererã dia miririñere tarimorã. Noẽ eropa umupeogu árigũ i yeba majarã ñerã erã umupeobirirare, erã taribiriboro sãre ãhmũgu iimũripũ. Eropigu ãgu umupeocũ ãagu “Ōagu āhrimi,” arĩ ãamũripũ Goãmũ ãgũre.

⁸Abrahã sã Goāmũre umupeogu ãgũre yũhripũ. Gaji yebaguere ãgũre ãgu oburi yebaguere Goãmũ ãgũre wadorecũ ãgũre yũhripũ. ãgu ya yebare wirigãgu ãgu masibiriri yebague eapũ. ⁹“I yebare mũre ogũra,” Goãmũ ãgu aricũ peegu ãgũre umupeogu iri yebague eja árimerejapũ ãgu. Ero arimerejaqueregu ãgu gaji yeba majagu áriro dopa waimũrã gasiri wiri mera wihicũ curimũripũ mũrano áribirinijagu árigũ. ãgu magũ Isaa sã ãgu pãrami Jacobo sã ãgu iiro dopa ta iimũriñorã. “Mũare i yebare ogũra,” arĩ weremũripũ Goãmũ erã sãre. ¹⁰Eropigu i yebare curigu macari iibirimũripũ Abrahã. Gaji macague Goãmũ ãgu áriri macague umarogue ãgu waborore coregu iipũ Abrahã. Iri maca Goãmũ iira macaũ. Eropigu ãgu umupeocũ ãgu áriyoro. Eropigu iri macare ne pehrebiriburi macare coregu iipũ.

¹¹Goāmũre umupeogo Sara waĩcũgo, bũro gohra áriquerego porã marigo áriquerego ta porãcũpo. “Goãmũ ãgu arĩdiro dopa ta iigũcumĩ,” arĩgo ãgũre umupeogo porãcũpo. ¹²Eropigu Abrahã bũgu gohra áriqueregu ta porãcũpũ. Eropirã ãgu pãramerã árituriarãgue bajarã

wacãñorã. Necãre, imipa yerire mari queorã yujuro bojeya mariro dopa ta, ìgu pãramerã árituriarã sãre queo bocatũya mariñorã.

¹³ Áripehrerã oã yu werenirã mürague Goãmure umupeotuhjanirãgue siriñorã. Goãmũ “Mũare ogũra,” ìgu arĩrare opanibirãgue siriñorã. Eropa opabiriquererã “Goãmũ ìgu arĩdiro dopa ta puhũgue ogũcumi guare,” arĩ masiñorã. Eropa masirã mucubirimuhtañorã. Eropirã òpa arĩñorã erã: “I yebague curirã àhraa. Gaji yeba majarã àhraa,” arĩmuriñorã erã. ¹⁴ Eropa arĩrã gaji yebare erã ya yeba áriborore corerã iñorã. Irire òaro masia mari. ¹⁵ “Gaji yeba majarã àhraa,” erã arĩrã iribojegue erã cóara yebare guñarã iibiriñorã. Iri yebague dujaa wadiarã dujaa waboñuma. ¹⁶ Òari yebapũre gahme corerã iñorã. Iri yeba umarogue àhraa. Erã eropa gahme corecũ ìagu Goãmure “Gua opu àhrimi,” erã arĩcũ peegu ne guhyasĩribiripu Goãmũ. ìgu pohro erã ya maca áriborore iibasatuhadi árimi ìgu. Eropigu guhyasĩribiripu.

¹⁷⁻¹⁸ Goãmũ Abrahãre ìgu magure Isaare wejẽ soe mujudorepu. ìgure ìadiagu eropa dorepu, “¿Diaye ta yure umupeori?” arĩgu. Eropigu Goãmure umupeogu ìgu arĩdiro dopa ta iiripu Abrahã. “Mũ magu Isaa mera mũ pãramerã árituriarãre opaguca mũhu,” Goãmũ ìgu arĩdiro áriquerẽcũ ìgu magure wejẽbu iiripu Goãmũ dorero dopa ta. ¹⁹ “Yu magure Isaare yu wejẽcũ Goãmũ ìgure masugucumi,” arĩ pepigu ìgure wejẽbu iiripu. Eropigu Goãmũ ìgure cãhmota ìgure wejẽdorebiripu. ìgu pagu ìgu eropa wejẽbu árigu Isaa siriбудigu áripu. Eropigu siriidi masadigu iro dopa áripu ìgu. Eropigu Abrahã ìgure ojocarigu dipaturi opapu ìgure.

²⁰ Isaa Goãmure umupeogu ìgu porãre Jacobore, Esaú sãre “Pũhũgue Goãmũ mũare òaro iigucumi,” arĩpu.

²¹ Goãmure umupeogu Jacobo ìgu siriboro coregã wahgãnũgaja ìgu tuadigu mera tuañanũgaja Goãmure serẽ umupeogu. Eropa serẽgu José porãre umare “Goãmũ mũare òaro iigucumi,” arĩpu Jacobo.

²² Goãmure umupeogu José ìgu siriboro coregã Israe masa Egipto áriřã erã wiriaborore weremuhtarpu. Eropa erã wiriaborore masiyugu ìgu siriira dupu mũrarore aigãdorepu ìgu porãre.

²³ Goãmure umupeorã urerã abe gohra Moiserẽ dibuñorã ìgu pagu sumarã ìgu masa dehyoara puhũ. Òagugã ìgu áricũ ìarã ìgugãre dibuñorã. Iri yeba majagu tauro árigu opu ìgu majirãre wejẽdorerire tarinũgarã ìgure dibuñorã erã. Erã erã opure gülbiriñorã. ²⁴ Moiserẽ masudigo i yeba majarã opu mago áriřo. Eropa ìgo masudigu áriquerẽgu, Goãmure umupeogu “Opu mago magu àhrimi,” erã arĩ piyucũ gamebiripu ìgu Moise. Oparã mera majagu áriřidiabigu Goãmũ yarã mera majagu áriřiapu. ²⁵ Goãmure tarinũgadiagu árigu ìgure masudigo pohrogue bajamenũrigã òaro áriřoñumi. Eropa òaro áriřu áriřquerẽgu ìgu Goãmũ yarã mera ñero taridiapu. ²⁶ Eropigu Egipto majarã ya òarire tauro Cristo ya áriřurire ñero tariburire gamepu. Pũhũgue Goãmũ ìgure ìgu òarire oborore masigu ñero taridiapu. ²⁷ Goãmure umupeogu Egipto majagu tauro opu, ìgu mera ìgu guacũ güibiripu. Eropa

güibigu iri yeba áridigu iri yebare cóacã waha wapu. Goãmure íabiriqueregu “Goãmü áricumi,” arí pepipü ígu. Eropigu ígu iiborore ne duhubiripü.

²⁸Goãmure umupeogu Moise Israe masare Goãmü ígu tauborore masipü. Eropa masigu Goãmü ígu dorediro dopa ta Israe masa erã disipororire erã tura mijirire di mera wejësiri tuhdorepü. Eropa dorepü anyu masare wejëgu erã masa tírãre wejëbodigu Israe masa erã masa tírãre wejëbiriboro dopa. ²⁹Goãmure umupeorã Israe masa deco diariya waïcuriya deco watope áríri maha deco mariri maha taribujañorã. Erã eropa taribujacü íarã Egipto majarãpü erãre nũrsiarã erãre íhacü taribujanirã miri síria wañorã.

³⁰Goãmure umupeorã Israe masa Jericó maca sãriro, wãari sãriro pũrũpü majisora curiñorã. Siete nuri gohra iri macare majisora curiñorã erã. Iri nũcũ nuri erã majisorara pũhrũ iri sãriropü dijapehrea wayoro. ³¹Iri maca majago uma mera ñero iidigo Rahab waïcũgo Goãmure umupeogo Israe masare itamupo. Iri macare erã cóãboro core bajamerãgã Israe masa erogue erã ñaja duhricü íha igo erãre itamupo. Eropirã Israe masa iri maca majarãre Goãmure tarinũganirãre wejëpehoquererã ta igopũre wejëbiriñorã.

³²Gajirãre Goãmure umupeonirãre werenemoboya yũhũ. Eropa werediaqueregu ta bajarãre eropa Goãmure umupeorã sãre were gojapehomasibirica yũhũ. Gedeõ, Baraca, Sansõ, Jefté, Davi, Samue, Goãmü yare weremũhtanirã sã árípehrerã yũ werebonirã áhrima. ³³Goãmure umupeorã yujurãyeri gají yebarigue áríri macari majarãre gamewejë tarinũgañorã. Eropirã gajirã diaye dorenirã áriñorã. Gajirã Goãmü erãre “Mũare itamugũra,” ígu arídiro dopa ta ígu itamurire bocañorã. Eropa ígure umupeorã yea erãre badiacü erãre erã babiricü iñorã erã. ³⁴Turaro ùjuri peameri áríquerecũ ta ùjúbiriñorã erã Goãmure umupeonijarã. Gajirã erãre ñose wejëdiacü duhriã wañorã erã Goãmure umupeorã. Turabirã áríquererã Goãmure umupeo, turarã wañorã. “Goãmure umupeorã áhraa. Gamewejë turarã áhraa,” eropa arirã áricü gají yebari majarã surara erã wejërã arirã ne yujuro bojebiriñorã. ³⁵Goãmure erã umupeocũ íagu yujurãyeri nome erã acawererã síricü íagu Goãmũpü erãre masupü.

Gajirãpũre “Goãmure gamebircãque,” erã arí peresu iicü erãpü Goãmure duhudiabiriñorã. “Mũa Goãmure duhucü mũare taurãca,” aríñorã erãre. Erãpü duhubiriñorã Goãmü mera erã õaro masaborore gamerã. Eropirã erãre erã ñero iicü síria wañorã. ³⁶Gajirãre Goãmure umupeorãre ñero arí wereya erãre tãramuriñorã. Eropirã gajirãre guburire, mojotorire diricãa peresu iñorã. ³⁷Goãmure umupeorãre ñerã utã mera dea wejëmuriñorã. Gajirãre erã dũpũre seroti mera wiritãmuriñorã. Gajirãre ñoserimijiri mera ñose wejëmuriñorã. Erãre Cristore cóãdorerã erã ñero iimuriñorã. Gajirã erãre ñero iicü oveja gasiri mera, cabra gasiri mera suhricũrã mojomorocũrã árimuriñorã. ³⁸Erã õatariarã erã áricü i yeba majarã ñerã erã mera majarã áríbonirã áríbeama. Wiri marirã árirã, masa marirogue utã yucũgue árigãri siaricãmuriñorã. Eropa árigãri siarirã utã yucũgue áríri goberigue, yebague áríri goberi sãre carigãri siaricãmuriñorã. ³⁹Oã árípehrerã Goãmure erã umupeocũ íagu mucubiripü ígu. “Õaro iabũ

mua,” arĩpũ. Erã eropa ãaro umupeoquerecũ Goãmũ erãre “Mũare taugũra,” ĩgu arĩdiro ejanibiriya dohpa. ⁴⁰Ōpa arĩ pepipũ Goãmũ: “Oãre yaharãre, pũhrũgue arĩrã yaharã mera yujuro mera taugũra,” arĩ pepipũ. ĩgu eropa arĩ pepidiro dopa ta iigucumi. ĩgu eropiicũ ãatariaro arĩroca ero core ĩgu iidiro tauro.

Jesure eropa umupeoniguicãrã mari

12 ¹Eropirã oãre yũ werenirãre bajarã Goãmũre umupeonirãre, ñerire iibirinirãre masirã arĩpehreri ñero iirire duhucãrã mari sã. Ōpa àhraa mari queoriñe mera werecũ: Nũcũrĩre opagũ omari masũ turaro omamasibeami. Eropa ta mari Goãmũ gamerire iimasibeaa mari ñerire iicũ. Eropirã irire duhucãrã mari. Eropirã Goãmũ ĩgu gamero dopa ta ãarire iiniguicãrã. ²Eropirã Jesure eropa guñaniguirã. ĩgu ta àhrimi marire umupeo guñaturacũ iigũ. Eropigũ marire umupeonemocũ sãre iimi ĩgu. Crusague sirĩgu yujuro bojerũ. Pũhrũ ĩgu mucubiriborore masĩgu crusague sirĩpũ. Eropa sirĩgu gũhyasĩribodĩgu arĩqueregũ gũhyasĩribiripũ ĩgu. Eropa iira pũhrũ dohpague Goãmũ ĩgu opũ ĩgu doaro diayerũ doanijagũ ĩgu dorebu iimi.

³Ñerã masa ĩgũre ñero erã iicũ yujuro bojerũ ĩgu. ĩgu eropa iidigũre guñaque mua, mua sã ñero tarirã “Yujuro bojebiriboca,” arĩrã. Irire guñaque mua ĩgũre umupeo duhuri arĩrã. ⁴Ñerire mua tarinũgaboro dopa Jesu iro dopa ñetariaro gohra tarinibeaa mua. Ñerã mũare wejẽnibeama. ⁵¿Goãmũ mũare ĩgu porãre ĩgu wererare cãdĩjicãri mua? Ōpa arĩpũ ĩgu:

Yũ magũ, yũhũ mũre werecũ eropa pepicãbita. Yũhũ mũre turicũ peegũ bũjawerebita. ⁶Arĩpehrerã yũ mahirãre werea. Eropigũ arĩpehrerã “Yũ porã àhraa mua,” yũ arĩ ĩarãre tarinũgadorebeaa. Eropigũ erã tarinũgacũ ĩha erãre yũ porãre merogã dipuwaja moaa, arĩpũ Goãmũ.

⁷Ñero tarirã yujuro bojeque “Goãmũ yũre weregu iimi,” arĩrã. ĩgu yare duhubiricãque. Goãmũ mũare ĩgu porãre merogã dipuwaja moagu iimi. Erã pagũ sũmarã erã porãre eropa werema. Eropirã erãre dipuwaja moama. Eropa ta iimi Goãmũ sã marire ĩgu porãre. ⁸Goãmũ arĩpehrerãre weremi. Goãmũ mũare ĩgu werebiricũ ĩgu porã gohra arĩbeaa mua. Eropirã ĩgu porã arĩbirã yujugũ majĩgu ĩgu pagũre ĩgu masibiro dopa ta ĩgu weresũya marĩgu arĩro dopa ta àhraa mua. Eropirã Goãmũre “Yũ pagũ gohra àhrimi,” arĩmasibeaa mua ĩgu mũare werebiricũ.

⁹Mari pagũ sũmarã marire erã werecũ peerã erãre umupeoa mari. Mari pagũ sũmarãre mari umupeoro tauro umupeoro gahmea mari Pagũ Goãmũ ĩgu werecũ. Eropirã ĩgũre yũhriro gahmea marire. Eropa yũhrirã arĩpehrerinũri ĩgu mera arĩrãca. ¹⁰Bajamenũrigã mari pagũ sũmarã erã gamero dopa marire were dipuwaja moama. Goãmũpũ marire ãaro weremi. Eropigũ ĩgu masiri mera marire dipuwaja moami marire ãarã masadoregũ. Eropa iimi ĩgu marire ĩgu iro dopa ãarã mari arĩboro dopa. ¹¹Marire ĩgu dipuwaja moacũ mucubiribeaa mari. Mari bu bũjawerea. Eropa bũjawerequererã ta ĩgu eropa dipuwaja moara pũhrũ ãarã arĩrãca mari. Eropirã ĩgu wererire peenirã arĩrã gajiropa iiro mariro ãaro arĩrãca.

Goāmũ marire iġu dorerire mari yuhribiricũ guhya āhraa marire

¹²Eropirā guñaturabirā árīquererā ta Goāmũre ōaro guñaturarā árīque. Īġure duhubiricāque. ¹³Ōaro diaye maja mare mũa waro dopa ta pee gorowerero mariro ōaro diaye ta Goāmũre yuhrique. Mũa eropiicũ ĩhacũrā gajirā Jesu yarā gajiropa árĩrĩre iisome. Eropirā turabirā turarā warācoma.

¹⁴Árĩpehrerā masa mera ōaro árĩque gamequeāro mariro. Eropirā ñero iibiricāque. Ñeri marirā dihta mari Opũ Cristore ĩarācoma. ¹⁵Ōaro iique mũa. Goāmũ mũare iġu itamucũ ōaro yuhrique. Ñeri tiari iri oterire iri goroweoro dopa ta mũa sã Cristo yare duhu ñerire guñaniguibiricāque gajirāre goroweori arĩrā. ¹⁶Ne nome mera ñero iirā árĩbiricāque. Eropirā Goāmũ yare gamebirā árĩbiricāque. Eropa árĩġu árĩpũ Esaú. Īġu masa tĩġu árĩripũ. Eropiġu iġu pagũ yare iġu sĩrira pũhrũ opabu árĩripũ. Eropa árĩquereġu yujunũ barire gametarĩġu iri bari mera iġu pagũ magure iġu tĩġu opaborore bu gohrotopũ. ¹⁷Pũhrũ iġure warare masia mũa. Īġu eropiira pũhrũ iġu pagũ iġure Esaúre ōaro árdoreburire Goāmũre serēbasarire turaro gameripũ daja Esaúpũ. Īġu eropa gamequerecũ ta iġu pagũ magupũre iġu tĩġu opaburire gohrotora dipuwaja ĩġiropa árĩrĩre iisome. Eropirũ pagũ iġure obiripũ. Eropa gameġu turaro orequereġu iġu pagure serēquereġu irire opamasibiripũ Esaú.

¹⁸Goāmũ dorerire Moisere iġu apicũġue mari acawererā Israe masa mũara Goāmũ pohro ejaboro guhya árĩyoro. Dohpaguere mũapũre eropa árĩbeaa. Ōpa wayoro erāre. Goāmũ iġu dorerire Moisere iri dorerire apĩġu erā árĩri yeba majagũ utāġugue árĩpũ. Irĩġupũ Sinái waĩcudĩġu árĩyoro. Eropiro erā Goāmũ pohro ejamorā irĩġugue erā ejacũ turaro peame ũjũyoro. Eropiro naitĩaro, imica curu, turaro miru sã árĩyoro irĩġu utāġure. ¹⁹⁻²⁰Eroġue erā ejacũ corneta busũyoro. Eropiro werenĩġuiri cariyoro. Īġu eropa werenĩġuiri ejaricucũ peerā masa yujuro bojebiriñorā. Goāmũ erāre guhyaro mera ōpa arĩ dorepũ erāre: “Árĩpehrerā irĩġu utāġure pēhrerāre utā mera dea wejēque erāre. Irĩġu utāġure pēhregũ waibũgu gohra iġu árĩquerecũ iġu sāre utā mera dea wejēcāque. O ñoserimĩji mera ñose wejēque iġure,” arĩpũ Goāmũ. Īġu eroparicũ peerā yujuro bojebiriñorā erā. ²¹Eropiġu árĩpehrerire utāġugũere guhyaro árĩrĩre ĩagũ ōpa arĩpũ Moise: “Bũrĩġā ġũĩġu naragāġu iiaa,” arĩpũ iġu.

²²Iribojegue Israe masa Goāmũ iġu árdĩġu utāġugue ejamasibirĩñorā sĩriri arĩrā. Dohpaguere mũapũ Jesu yarāpũ Goāmũ árdĩġu utāġugue, Sión waĩcudĩġugue, ũmaro majagũgue mũrĩjaro dopa ta diaye ta Goāmũ mera werenĩġuimasia. Goāmũ ojocarĩġu iġu ya macague mũrĩjaro dopa ta diaye ta iġu mera werenĩġuia mũa. Iri maca ġaji maca mama maca Jerusalén ũmaro maja maca āhraa. Ero anyua bajarā gohra āhrima. Goāmũre umupearā mucubiriri mera gamenererā āhrima. ²³Eropirā mũapũ iġu ya maca majarā árĩrā, erogue Goāmũ porā árĩmũhtarā mera mũa gamenere árĩbodiropũ dopa ta āhraa. Īġu porā erā waĩre iġu gojaturapũġue ũmarogũ erā waĩre gojatunirā āhrima. Īġupũ mari Pagupũ árĩpehrerā beyebu āhrimi. Īġu mera majarā āhraa mũapũ. Eropirā gajirā

õarã Goãmũ yarã mera gamenererã dopa ta ãhraa mũa sã. Erãre ta ñeri marirã iituhapũ Goãmũ. ²⁴Eropirã Jesu mera majarã ãhraa mũaapũ. Negohraguere ãgu dore apirare gohrotogu “Mũare õaro iigũra yũhũ,” arĩ apipũ Goãmũ marire. ãgu eropa arĩ apidiro dopa ta iidigu árimi Jesu. ãgu dire cohã ãgu sirirañe mera marire õaro taricũ iimi ãgu. Abelre ãgu di cóarare ãgu Goãmũ Abelre wejẽdigure dipuwaja moapũ. Jesucristo ãgu di cóarapũre ãgu marire dipuwaja marirã áricũ iipũ. Eropiro Abel ãgu di cóara bu gohra áriya. Cristopũ ãgu di cóara pũhrũ õatariaro iipũ Goãmũ marire. Eropiro Cristo ãgu di cóara bu gohra áribiriya.

²⁵Eropirã õaro iique mũa. Goãmũ yare mũare weregure õaro yũhrirã árique. Iribojegue i yeba áridigu Moise Goãmũ yare ãgu werecũ peerã, bajarã irire peediabiriñorã. Erã eropa peediabirira dipuwaja, dipuwaja moapũ Goãmũ erãre. Erã tauro dipuwaja moagũcumi Cristore cóarãre. Cristopũ umarogue árigũ Goãmũ yare weregu ãhrimi. ²⁶Irisubure Moisere ãgu dorerire ãgu apirasubure Goãmũ ãgu wereniguiro mera yeba ñohmecũ iipũ. Dohpaguepũre õpa weremi ãgu: “I yeba ñohmecũ yujusubu ta iinemogũra. I yeba dihta ñohmecũ iisome yũhũ. Umarogue sãre ñohmecũ iigũra,” arĩ werepũ ãgu. ²⁷“I yeba ñohmecũ yujusubu iinemogũra,” arĩgu, “Áripheerire ya ãhacũnugurare cóagũra,” arĩgu iipũ. Goãmũ ãgu opũ áriroguepũre cóamasiya mara. Eropiro ãgu ãhacũnugurare ãgu cóacũ ãgu opũ áriro dihta dujaroca. ²⁸ãgu opũ árirogue warãca mari. Eropirã ãgu opũ árirore ãgu cóabiricũ ãarã, Goãmũre “Õhaa,” arĩrã mari. Eropirã umupeori mera, gũhyadiaro mera ãgu yare iirã mari ãgure mucubiricũ iimorã. ²⁹Peame ãjũro gũhyaro dopa ta Goãmũ gũhyaro dipuwaja moagu ãhrimi. Eropirã ãgure gũhyadiaro mera umupeorã.

Õpa Goãmũre mucubiricũ iique

13 ¹Mũa mera majarãre mahi duhubiricãque. ²Masa mũa masibirã áriquerẽ erãre õaro mera mũa ya wirigue ñajaridoreque. Gajirã eropiirã, masibiriquerẽ anyuare erã ya wirigue ñajaridoreñorã. Eropirã mũa sã eropa ta iique.

³Peresu áriãre mojomoro ãaque. Mũaapũ erã mera peresugue áriã mũa áriõoro dopa ta erãre mojomoro ãaque. Gajirã erã ñero tarirã sãre mojomoro ãaque. Erã iro dopa mũa sã ñero tariro dopa ta erãre mojomoro ãaque.

⁴Mũa mojoto dirinirãre áripheerã õaro game umupeoque mũa. Eropirã mojoto dirinirã gajirã mera ñero iirã áribiricãque. Áripheerã ãma nome mera ñero iinirãre, nome ãma mera ñero iinirã sãre dipuwaja moagũcumi Goãmũ.

⁵Niyerure gamerã ne áribiricãque. Õpa arĩpũ Goãmũ: “Mũare ne cóasome. Eropa itamuniguigũra,” arĩpũ ãgu. Eropirã mũa opari mera iripẽta mucubirique. Wũaro gamenemobiricãque. ⁶Eropirã gũiro mariro õpa arĩ pepirãca marmera mũa ya wirigue ñajaridori:

Mari Opũ marire itamugũ ãhrimi. Eropirã ne gũisome mari. Masa marire erã ñero iiboro gũisome mari, arĩ pepirãca mari.

⁷Goãmũ yare mũare werenirãre mũare dorenirãre guñaque mũa. Eropirã òaro erã áriřicurare guñaque. Eropa guñarã, Cristore erã umupeorare ihacũque mũa.

⁸Jesucristo ne gohrotobeami. Iribojegue, dohpague sãre, pũhrũgue sãre ĩgu áriřiro dopa ta áriřinguicãgũcumi ĩgu. ⁹Baja buheri gajiropa áriři buherire peebiricãque òari buherire gũague cohãri arĩrã. “Ire baque. Ire babiricãque,” arĩ buhemaacãma gajirã. Eropa arĩrire mari yũhricũ iri marire itamubeaa. Eropiro eropa arĩ buherire mari iicũ bu gohra ta áhrra. Iri marire guñaturarã áriřcũ iibeaa. Goãmũ marire guñaturacũ iimi.

¹⁰Cristo mari ñeri dipuwajare sĩridi áriři mari ñerire cóabu. Pahiapũ òpa arĩrã áhrrima: “Waibũgu yũ Goãmũre wejẽ soe mujucũ, Goãmũ mera tarigũca,” arĩrã iirima erã. Eropa arĩrã erã ñeri iirare ne cóãñirã áriřmasibeama. ¹¹Pahia opũ Goãmũ ĩgu áriři taribu gohrague waibũgu wejẽdigu dire aĩ ñajagu Goãmũre òpu masa erã ñerire cóãdoregu. Eropigu ĩgu wejẽdigu waibũgure iri maca tũrogue soe cóãcãñorã. ¹²Eropa ta Jesu sã maca tũrogue sĩripũ. ĩgu di cóãri mera masa ñeri marirã wacũ iibu sĩripũ. ¹³Maca tũrogue ĩgu sĩricũ iarã, erã buherire ĩgu cóãcũ iarã judio masa ĩgure ihaturiñorã. Eropirã mari sã ĩgu mera majarã áriřrã. Mari eropa áriřcũ iarã masa mari sãre ihaturirãcoma. ¹⁴Erã marire ihaturiquerecũ áhrra. I yebague mari áriřwajaburi maca áriřbeaa. Mari pũhrũgue áriřburi macare corerã iiaa mari. ¹⁵Eropirã Jesu ĩgu itamuro mera ĩgu Pagũ mera wereniguia mari. Eropirã ĩgure òaro serẽnguicãrã. “Mari Pagũ turagu áhrrimi,” arĩ umupeoniguirã gajirãre wererã. Mari eropa arĩ werecũ ĩgu mucubirigucumi. ¹⁶Mũa mera majarãre òaro iique. Mũa oparire gajirã sãre oque. Irire cãdijibiricãque. Mũa eropa òaro iirã Goãmũre umupeorã iica. Eropa iirã ĩgure mucubiricũ iirãca.

¹⁷Mũa oparãre òaro yũhrique. Erã dorero dopa ta yũhrique. Goãmũ mũare ihadibu buhedoregu apimi erã oparãre. ĩgu eropa apinirã áriřrã eropa mũare ihadibuniguirã iima Goãmũre tarinũgadiabirã. Eropirã erãre òaro yũhrique mũa erã mucubiriri mera mũare itamuboro dopa ta. Mũa yũhribiricũ iarã erã bujawererãcoma. Eropa yũhribirã òaro áriřsome mũa.

¹⁸Guare serẽbasaniguique Goãmũre. Umũri nucũ òari dihtare iidiaa gũa. Eropirã “Ñerire iirã iiaa,” arĩ pepibeaa gũa. ¹⁹I tamerare turaro serẽbasaque Goãmũre yũre: Yojaro mera yũ mũa pohroge wamasiborore serẽque Goãmũre.

Ipũ gojabeodigu òadoretupu

²⁰Goãmũ marire òaro áriřcũ ĩgu áhrrimi. ĩgu mari Opũ Jesucristo sĩridigure masupu. ĩgu “Mũare òaro ĩgũra,” marire arĩ apidigu áhrrimi. ĩgu eropa arĩrare iinijagu Jesupu marire taugũ áhrrimi. Mari ñeri dipuwajare ĩgu di cohã sĩripũ ĩgu. Eropigu ĩgu turagu, ovejare ihadibugũ iro dopa áriřgu, marire ĩgu yarãre òaro ihadibumi. ²¹Eropigu Goãmũ ĩgure masudigu mũa sãre itamuporo áriřpehreri ĩgu gamerire mũa iiboro dopa. Eropigu Jesucristo ĩgu itamuri mera Goãmũ ĩgu gamero dopa ta áriřpehrerã marire òarire gohrotocũ iiporo. Eropirã áriřpehrerinũri Cristore umupeorã. Eropa ta iirã.

²²Yũ acawererã, ire turaro mũare doregũra: Ipũ mũare yũ wererare õaro mera peeque mũa. I yũ mũare gojabeoripũ wũaripũ árĩbeaa. Eropirã ire õaro peeque. ²³I sãre mũare weregũra: Mari acaweregũre Timoteore peresu árĩdigũre wiuañorã. Dohpagohragã ãgũ aricũ yũhũ ãgũ mera mũare ãagũ wagũra.

²⁴Mũa oparãre, árĩpehrerã gajirãre Goãmũ yarãre ero árĩrãre õadorea. Italia majarã Jesu yarã sã mũare õadorema.

²⁵Árĩpehreri mera Goãmũ mũare õaro iiporo. Eropa ta iiporo. Iripẽta ãhraa.